

壬戌夏五月

尺牘辭典
補編

吳興詩銘題



3
4



3 0525 3129 4

尺牘辭典補編總目

北京圖書館

頌語類

農學	文學	員	堪輿家	藥業	尙
工業	算學	報館主筆	星相家	烟業	道士
商學	海軍學	演說家	輪船公司	酒業	
礦學	陸軍學	遊歷家	植林家	油業	
路學	警察學	書家	木行	醬業	
聲學	漁學	畫家	茶葉業	帽業	
光學	醫藥學	音樂家	紙業	鞋業	
化學	女學士	實業家	糖業	照相業	
電學	仕隱	天文家	五金業	名優	
法學	教			名妓	
哲學				和	

歲時類

正月套語 二月套語 三月套語 四月套語 五月套語 六月套語 七月套語
 閏八月套語 九月套語 十月套語 十一月套語 十二月套語 閏月套語

001658

飢歲 豐年 早午 薄暮 夜陰 晴新 晴熱 涼苦 寒

地輿類

山水石海河江湖池溪潮津渡道路馬路谷岡

洞村市井泉田沙漠塵冰花園杭州西湖嘉興南湖廬

山蘇州虎邱秦淮莫愁湖

政界類

外交部交際司 外交部外政司 外交部通商司 外交部庶政司 陸軍部軍衡

司 陸軍部軍務司 陸軍部軍械司 陸軍部軍學司 陸軍部軍需司 陸軍部

軍醫司 陸軍部軍法司 陸軍部軍馬司 陸軍測量總監 海軍部軍衡司 海

軍部軍務司 海軍部軍學司 京師警察總監 勤務督察長 消防督察長 各

區警察署長 國史館長 國史館纂修 國史館協修 督軍署參謀長 督軍署

副官長 督軍署秘書

學界類

教育會自稱語 勸學所自稱語 校長自稱語 西文教員自稱語 中文教員自稱語 地輿教員自稱語 算學教員自稱語 圖畫教員自稱語 手工教員自稱語

商界類

公司董事自稱語 公司總理自稱語 公司協理自稱語 查帳員自稱語 會計員自稱語 文牘員自稱語 庶務員自稱語 店東自稱語 管事自稱語 店夥自稱語 客幫店夥自稱語 收帳店夥自稱語 錢業自稱語 綢緞業自稱語 布業自稱語 洋貨業自稱語 銀樓業自稱語 衣業自稱語 米糧業自稱語 典當業自稱語 書業自稱語 珠玉業自稱語 古玩業自稱語 鞋業自稱語 帽業自稱語 海味業自稱語 紙業自稱語 筆業自稱語 鐘表業自稱語 參燕藥業自語語 雜貨業自稱語

工界類

工廠長自稱語 工廠技師自稱語 工作監督自稱語 材料管理自稱語 測繪圖樣

各業類

紗廠業自稱語 絲廠業自稱語 織綢業自稱語 織布業自稱語 製鐵業自稱語
洗染業自稱語 織襪業自稱語 織帶業自稱語 製帽業自稱語 製巾業
自稱語 製革業自稱語 製衣業自稱語 花邊業自稱語 漆器業自稱語 雕
刻業自稱語 繪事業自稱語 製燭業自稱語 製皂業自稱語 牙粉業自稱語
磁器業自稱語 陶器業自稱語 磚瓦業自稱語 玻璃業自稱語 造扇業自
稱語 顧繡業自稱語 化妝品業自稱語 製藥業自稱語 碾米業自稱語 製
麵業自稱語 罐頭業自稱語 印刷業自稱語 傢具業自稱語 建築業自稱語

閨閣類

自謙乏德語 自謙淺學語 自謙西文語 自謙算術語 自謙醫學語 自謙烹
飪語 自謙針黹語 自謙機織語 自謙繪畫語 自謙書法語 自謙演說語
自謙理家務 女校長自謙語 女教員自謙語 女學生自謙語

慶賀類

賀得選議員 賀內閣總理蒞新 賀外交總次長蒞新 賀內務總次長蒞新 賀
財政總次長蒞新 賀陸軍總次長蒞新 賀海軍總次長蒞新 賀農商總次長蒞
新 賀司法總次長蒞新 賀教育總次長蒞新 賀督軍蒞新 賀省長蒞新 賀
道尹蒞新 賀縣知事蒞新 賀警察總監蒞新 賀警察廳長蒞新 賀平匪 賀
公司成立 賀大會成立 賀著作刊行 賀病愈 賀購屋 賀置田 賀成別墅
賀女五十壽 賀女六十壽 賀女七十壽 賀女八十壽 賀女九十壽

慰唁類

慰人父病 慰人母病 慰人兄弟病 慰人姊病 慰人妹病 慰人妻病 慰人
妾病 慰人姪病 慰人子病 慰人女病 慰足疾 慰壓傷 慰人戰事受傷
慰人齒病 慰人腕疾 慰人腰疾 慰人心疾 慰人失職 慰人賦閒

懷叙類

懷游西洋友人 懷游東洋友人 懷華僑 懷師長 懷同學 懷同業 懷舊同
寅 懷舊同事 懷舊居停 懷情妓

邀約類

約聽演說 約赴歡迎會 約赴追悼會 約參觀製造品 約參觀學校成績 約
商量事端 約估看物質

餽遺類

贈帶 贈傢具 贈顧繡 贈磁器 遠歸贈土儀 出門贈鄉品 贈照片 贈先
人遺集 贈詩

薦舉類

答薦官吏 答薦教員 答薦醫生 答薦店夥 答薦僕從 答薦學生 答薦學
徒 答薦旅館

懇託類

懇託調停意見 懇託轉圜地位 懇託蟬聯位置 懇託從旁吹噓 懇託留意人物

請人類

請人存款 請人捐助 請人探聽消息 請人補助學費 請人代致家書 請人

調查 請人蒞會 請人改文 請人作序 請人題跋

作伐類

懇爲弟作伐 懇爲姊作伐 懇爲妹作伐 懇爲姪作伐 懇爲姪女作伐 懇爲學生作伐 懇爲世姪作伐 擬置妾懇作伐

置產類

託說讓產價 託過戶 託勘方向界址 託收租米 託立界碑 託繳契稅 託代付契價

贊助類

懇贊助立學 懇贊助保護同鄉 懇贊助建築會館 懇贊助以工代賑 懇贊助捐立義塚 懇贊助修橋 懇贊助設立醫院

襄理類

懇襄理開校 懇襄理放賬 懇襄理演說會 懇襄理運動會 懇襄理校勘 懇襄理店務

辯誣類

懇辯誣案 懇辯讒言 懇辯牽連 懇辯嫌疑

息訟類

懇息款項訟事 懇息房產訟事 懇息出版訟事 懇息田地誣事 懇息婚姻訟事 懇息承繼訟事

說項類

懇說項政界事 懇說項軍界事 懇說項警界事 懇說項學界事 懇說項商界事

挽留類

懇挽留駐洋公使 懇挽留官長 懇挽留公司總理 懇挽留商店經理 懇挽留校董 懇挽留校長 懇挽留教員

家事類

懇修理房屋 懇延聘西席 懇僱僕役 懇促租戶出屋

謝賀類

謝賀升遷 謝賀蒞任 謝賀平匪 謝賀畢業 謝賀當選議員 謝賀病愈 謝賀遷居 謝賀置屋 謝賀祖父壽 謝賀祖母壽 謝賀父壽 謝賀母壽 謝賀妻 謝賀納寵

答謝慰唁類

謝唁父喪 謝唁母喪 謝唁喪偶 謝唁喪兄弟 謝唁喪妾 謝慰喪子 謝慰喪女 謝慰失慎 謝慰被竊 謝慰被盜 謝慰被水 謝慰失職 謝慰考試被黜 謝慰失業

答謝問候類

謝在西洋友人問候 謝在東洋友人問候 謝舊同官問候 謝同學問候 謝舊同事問候 謝舊居停問候 謝同鄉問候 謝親戚問候

答謝邀約類

謝邀遊湖 謝邀賞花 謝邀觀劇 謝邀品茗 謝邀花酒 謝邀飲

答贈餽贈類

謝贈土產 謝贈書 謝贈畫 謝贈筆 謝贈茶 謝贈酒 謝贈裘 謝贈報

謝贈劍 謝贈車 謝贈馬 謝贈花 謝贈照斤 謝贈程儀 謝贈路菜

答謝舉薦類

謝薦政界事 謝薦學界事 謝薦商界事 謝薦報界事 謝薦會計事 謝薦文

牘事

規戒類

戒驕 戒詔 戒惰 戒吝 戒信讒 戒作僞 戒失約

借索類

借軍隊 借警察 借童子軍 借音樂隊 借店夥 借學徒 借軍隊操場 借
學生操場 借賑米 借屋 借花卉 借傢具 借用公款 借用會款 借用存
款 借用店款 索店夥 索學徒 索賑米 索屋 索傢具 索借用公款 索
借用會款 索借用存款 索借用店款

尺牘辭典補編

頤語類

〔農學〕 學。崇稼圃術。究農林。學受人之教而效之也。崇重也。稼圃見論語。樊遲請學稼。子曰。吾不如老農。請學爲圃。曰。吾不如老圃。朱注云。種五穀曰稼。種蔬菜曰圃。凡能進行之方法。通謂之術。究謀也。

性。研植物。藝。擅。場師。植物有機物之一。與動物同稱爲生物。其體由細胞構成。攝取無機物以爲營養。高等者有根莖葉之別。下等者與下等動物不能顯分。種類甚繁。在世界中之總數。約有四十萬種以上。其分類有人爲分類。自然分類兩法。研音妍。窮究也。藝才能也。擅音繕。專也。場師治場師者。孟子。今有場師。舍其梧。擯養其楸。棘。則爲。場師焉。按除地爲場。謂就空地而闢除之也。凡擅技藝之長者皆稱師。

〔工學〕 位。居六職。選就羣材。周禮。考工記。國有六職。工居一焉。選擇也。就成

也。

依法從繩。得心應手。依照所定程式而爲之也。禮記上依于法。繩木工所持繩墨也。所以爲直之具。書經木從繩則正。莊子輪扁曰不徐不疾得之於手而應之於心。輪扁斲輪人名。扁以神於斲輪。後因以爲大匠之稱。

〔商學〕

術稱善賈。良比深藏。術字解見頌語類農學首條。善賈專美於經商也。

韓非子長袖善舞。多錢善賈。賈音古。坐貨曰賈。史記良賈深藏若虛。

謀欽儉。中利在乘時。先事籌度（音讀）曰謀。欽敬也。儉意度（音讀）也。中音種。言料事而多中也。利在乘時。言得利在因時也。淵鑑乘時射利。收天下之利。以有易無。乘音仍。因也。

〔礦學〕

貨無棄地。寶關深藏。貨財也。禮記貨惡（去聲）其棄於地也。寶藏謂

礦產也。中庸寶藏興焉。關開也。

牀從萬。選剗比五丁。

礦牀。自然積聚於地面地中之礦質也。萬選。言礦經多次而擇

定也。剗。音讒。堅也。五丁。力士也。水經

莊。秦惠王欲伐蜀。而不知道。作五石牛。以金置尾下。言能屎金。蜀王令五丁引之。成道。
又朱子次韻擇之章巖詩。跡是五丁劊。

〔路學〕 制循同軌。力究交通。成法曰制循。依也。同軌。車轍之廣狹相同也。中庸
車同軌。究謀也。交通。人之往來。貨物之運輸。彼此通達無阻之謂也。今政府設有交
通部。所屬第一司。卽爲路政。

跡。泯。崎。嶇。運。資。輪。軸。人所步處曰跡。泯。形迹消沒也。崎。嶇。言山路不平也。潘岳賦。軌
崎。嶇。以低昂。運。轉動也。資。用也。輪。軸。力學名詞。輪。之中心。貫之以軸。合兩者言之。謂
之輪軸。軸音逐。力學中以輪軸爲助力器械之一。其助力之法。以繩繫重物。繞於軸上。
旋其輪。則軸隨之而轉。繩爲軸所繞。引起所繫之重物。雖用力不多。亦能起甚大之重
量。若火車所用之輪軸。則其旋轉時所起之重量。爲尤大矣。

〔聲學〕 辨從律呂。聽合銓鏘。律呂。古以正聲音之器。黃帝時伶倫造之。截竹爲
筒。陰陽各六。筒有長短。則聲音有清濁高下。各種樂器之音。皆依此比較而定。陽者爲
律。陰者爲呂。陽則黃鐘。太簇。姑洗。蕤賓。夷則。無射。謂之六律。陰則大呂。夾鐘。中呂。林鐘。

南呂。應鐘。謂之六呂。鏗鏘。金石聲也。禮記。君子之聽音。非聽其鏗鏘而已也。彼亦村所合之也。鏗。音硯。渴耕切。鏘。音瓊。七央切。

審音合節。刻玉鑄金。審者。反覆辨別思考之也。音調緩急之度曰節。禮記樂記篇。惟君子爲能知樂。故能審聲以知音。審音以知樂。又楚辭。應律以合節。音書。律歷志。聖人觀四時之變。刻玉紀其盈虛。察五行之聲。鑄金均其清濁。

〔光學〕 學究著明。功侔久照。究。推尋也。易經。懸象著明。莫大乎日月。侔。齊等也。易經。日月得天而能久照。

義精知白。理悟生虛。義者。事之宜也。老子。知其白。守其黑。爲天下式。有所知覺之謂悟。莊子。虛室生白。按白者。日光所照也。室以喻心。心能空虛。則純白獨生也。

〔化學〕 變通物質。疑似神奇。易經。化而裁之存乎變。推而行之存乎通。變通者。趨時者也。成立莫疏。故情之所美者。則謂爲神妙奇特。

學。媿。化工。神稱大冶。媿。音譬。配也。化工。天名。賈誼賦。天地爲鑪。兮造化爲工。大冶。謂鑄金鐵之工也。莊子。今大冶鑄金。按鑄金鐵之工。皆屬化學之一。故引以爲喻。

〔電學〕 激、悟、陰、陽、用、神、頃、刻。 激、音、擊、感、動、奮、發、也。 說、文、電、爲、陰、陽、激、悟、有、所、知。

覺之謂妙不可知之謂神。爲時不久曰頃刻。

術、精、雷、引、理、達、燦、飛。 術、方、法、也。 相、牽、曰、引。 許、渾、詩、夜、電、引、雷、窗、暫、明。 達、通、顯、也。 燦、

音、標、火、飛、之、象。 班、固、云、雷、爲、電、燦。

〔法學〕 規、隨、畫、一、約、熟、三、章。 漢、書、曹、參、代、蕭、何、爲、祀、事、無、所、變、更。 遼、何、之、約、束、

百、姓、歌、之、曰、蕭、何、爲、法、較、若、畫、一。 曹、參、代、之、守、而、弗、失。 後、人、因、用、蕭、規、曹、隨、爲、口、頭、常、

言。 漢、高、帝、入、關、告、論、與、父、老、約、法、三、章、耳。 殺、人、者、死。 傷、人、及、盜、抵、罪。

律、讀、烏、臺、書、諸、象、魏。 通、典、御、史、臺、號、烏、臺。 主、禁、令、刑、罰。 周、禮、秋、官、正、月、之、吉、始、和、

布、刑、于、邦、國、都、鄙、乃、懸、刑、象、之、法、於、象、魏。 使、萬、民、觀、刑、象。 按、象、魏、闕、門、也。

〔哲學〕 論、著、虛、齋、道、通、聖、域。 蔡、清、晉、江、人。 其、闡、解、爲、學、者、所、尊。 曰、虛、齋、先、生、說、

也。 聖、域、謂、詣、聖、人、之、境、地、也。 漢、書、禹、入、聖、域、而、不、侵。

學、有、淵、源、精、侔、河、洛。 淵、源、喻、事、之、本、原、也。 班、固、典、引、斟、酌、道、德、之、淵、源。 朱、松、字、喬、

年、葵、源、人。 力、學、有、俊、才。 爲、文、汪、洋。 不、見、涯、岸。 究、心、河、洛。 河、洛、卽、河、圖、洛、書、也。 伏、義、氏、王、

天下龍馬負圖出於河。大禹治水。理龜負文列於背。按河卽黃河。洛卽洛水。

〔文學〕 才比潘江。工同陸海。潘岳傳。機文喻海。又藻如江。機陸機也。人名。又

韓愈進學解。子雲相同工異曲。

聲成金石。字挾風霜。世說。孫興公作天台賦。以示范榮期。曰。卿試擲地。要當作金石

聲。世說。淮南王安著書二十篇。號淮南子。自云字中皆挾有風霜之氣。

〔算學〕 數統九章。旁參三術。世本。黃帝之臣名隸首者。作算數九章算法。一方

田。二粟米。三衰分。四少廣。五商功。六均輸。七盈胸。八方程。九勾股。史記。秦孝公時。商

鞅獻三術。內一開阡陌。以五尺爲步。二百四十步爲畝。

經。按周髀法。精勾股。正字通。周髀算經。趙君卿注。始庖犧氏。周公受於大夫高。高以

九數勾股重差。算日月周天行度遠近之數。

〔海軍學〕 謀儲控海陣。熟凌波。宋史。池州控海水軍。建炎四年置。又宋史。李

綱諱沿江帥府置水兵。招善舟楫者充立軍號。曰凌波樓船軍。

浪破重圍。乘輕三翼。宋史。襄陽圍五年。宋闖造百艘。置火炮火鎗熾炭巨斧勁弩。夜

三刻出江。以紅燈爲識。張貴先登。張順殿之。乘風破浪。徑犯重圍。越絕書。兵法內經。有大翼中翼小翼三戰船。

〔陸軍學〕 陣善連衡。韜諧文武。諸葛亮軍令。連衡陣以狹而厚爲利。陣令。通考。晁氏曰。六韜爲呂尙所撰。分文武龍虎豹犬六目。

略侷。頗牧學。媿孫吳。廉頗。李牧。孫臏。吳起。皆古名將善兵略者。

〔警察學〕 計防風鶴策。靖萑苻。風聲鶴唳。比人民不安寧也。晉書。謝元敗苻堅於肥水。餘衆宵遁。聞風聲鶴唳。皆相驚訝。萑音桓。苻音扶。萑苻春秋鄭國澤名。左傳。

攻萑苻之盜盡殺之。

謀儲守望策備巡邏。孟子。守望相助。注。守望防寇盜也。巡察之兵曰邏卒。

〔漁學〕 智超竭澤漏塞吞舟。竭澤喻不留餘地也。呂氏春秋。竭澤而漁。豈不獲。

得而明年無魚。吞舟謂大魚也。史記。漢興。網漏於吞舟之魚。

利開水國地選濠梁。水國江湖藪澤之別稱。孟浩然詩。水國無邊際。莊子。莊子與。

惠子遊於濠梁之上。莊子曰。儵魚出遊從容。是魚樂也。濠。城下池也。梁。橋也。

〔醫藥學〕 杏林植樹橘井嘗泉。神仙傳吳人董奉隱居廬山爲人治病不取錢物重病愈者栽杏五株輕者一株後人因以杏林比醫者之名本此。仙鑑蘇耽桂陽人將仙去謂母曰明年當大疫庭中井水簷前橘樹可以代養染病者人食一橘葉飲泉水一杯自愈後果然後人因名曰橘井。

學究青囊篇研玉版。羅洪先詩一囊藥貯太和春。又趙之傑詩爲君療却烟霞癖似此青囊藥更神。黃帝內經有靈樞素問素問內有玉版篇。

〔女學士〕 名符不櫛才號相如。櫛梳篦之總名南楚新聞關圖一妹甚聰慧文學書札皆妙。圖常語同僚曰某家有一進士所恨不櫛耳。烟花記隋煬帝以合歡水果賜吳絳仙絳仙以紅箋進詩謝帝帝曰絳仙才調女相如相如姓司馬字長卿漢成都人。

卓著頭銜允稱手筆。頭銜官銜也今人借以爲大名鼎鼎之謂。手筆謂制作文字也。

〔仕隱〕 詞賦歸來懷忘名利。南史陶淵明退任時作歸去來詞。

急流勇退。避世鳴高。急流勇退。謂方嚮用而辭官也。名臣言行錄。公急流中勇退人也。孟子賢者避世。注云。天下無道而隱。若伯夷太公是也。鳴高。鳴著稱也。高。清高也。〔教員〕春風廣被。化雨羣沾。伊洛淵源。朱光庭見明道先生於汝州。歸語人曰。在春風中坐了一月。孟子有如時雨化之者。注云。時雨及時之雨也。

瓣香共祝。腹笥何辭。陳師道詩。向來一瓣香。敬祝曾南豐。後漢書。邊韶字孝先。有時名。教授數百人。韶口辨。晝假臥。弟子私嘲之曰。邊孝先。腹便便。懶讀書。但欲眠。邊潛聞之。對曰。邊爲姓。孝爲字。腹便便。五經笥。後人因以腹笥爲飽學之稱。

〔報館主筆〕主持輿論。羣頌公評。輿論謂公衆之言。梁書。行能臧否。或素定懷抱。或得之輿論。

務持曲直。獨發讜言。冊府元龜。唐李義炎爲太原尉時。李勤爲并州都督。僚吏皆望風。潛伏。義炎獨挺持曲直。勤甚禮之。讜言。直言也。漢書敘傳。吾久不見班生。今日復聞讜言。讜音黨。

〔漢說家〕論號。祭花。奇。舒麗藻。山堂肆考。李白與人言論。如春葩麗藻。祭於齒。

牙號梨花論。麗美也。藻水草。此以比文辭也。言文如水草也。

一代說宗。九齡論辨。晉書。潘京舉秀才到洛。與樂廣共論累日。謂曰。君天才過人。必爲一代說宗。天寶遺事。明皇於勤政樓。以七寶裝成山座。召諸學士論議。勝者得升座。九齡論辨風生。首升此座。張九齡。唐曲江人。字子壽。

〔游歷家〕 向遠。胸襟探幽巖壑。白居易登城東古臺詩。向遠胸襟開。世說。顧

愷之從會稽還。人問山水之美。顧曰。千巖競秀。萬壑爭流。壑受水處也。

地。當名勝。興極登臨。登臨登山臨水之稱。名勝有名之勝地也。

〔書家〕 帖畫雙鉤。模臨八法。潛確類書。六朝人尙字學。摹臨特甚。其曰廓填者。

卽今之雙鉤。雙鉤謂以遊絲筆圈却字畫。填以濃墨也。書法苑。點爲側。橫爲勒。豎爲

弩挑。爲趯。左上爲策。左下爲掠。右上爲啄。右下爲磔。八法。乃蔡邕所書。古人用筆之術。

妙。盡墨池圖成筆陣。王羲之自論書。張伯英精熟過人。臨池草書。池水盡墨。翰墨

志。晉衛夫人。汝陰太守李矩妻也。善鍾繇法。王逸少嘗師事之。著筆陣圖。

〔畫家〕 吳生。道子。摩詰。王維。唐名畫錄。吳道元。字道子。窮丹青之妙。唐書。王

維字摩詰。善畫。措思入神妙。

顛重推米。迂父稱倪。畫繼米芾。字元章。天資高邁。作書善寫古賢像。號爲米顛。畫品。元倪讚。字雲林。性迂。善畫。用筆高古。蘭貴。不同流俗。

〔音樂家〕 奏比鈞天。律諧應氣。西京賦。昔者大帝悅秦繆公而覲之。饗以鈞天

廣樂。按鈞天樂名。陸機鼓吹賦。節應氣以卷舒。

和聲金玉。葉韻宮商。孟子集大成也者。金聲而玉振之也。叶音葉。五音中有宮商

角徵羽之名。漢書。五聲之本。生於黃鐘之律。九寸爲宮。或損或益。以定商角徵羽。

〔實業家〕 利啞居市。策重開源。易經。日中爲市。啞音蚩。赤醫切。笑也。

手創經營。首崇開闢。手創。謂赤手創辦也。

〔天文家〕 象究張弓。義伸連壁。老子。天之道。其猶張弓乎。鈞命訣。星繫纒若

貫珠。輝映如連壁。

璣衡擅妙。經緯詳分。沈括渾儀議。自漢以前。爲歷者必有璣衡以自驗。按卽書經所

謂璿璣玉衡。爲測天器也。書注。二十八宿爲經。五星爲緯。

〔堪輿家〕 術精。廖瑀。神比。項喬。潛確。廖瑀。年十五。通五經。精堪輿之術。項喬。人名。著有風水辨。

經熟。青囊書傳。玉尺。文獻通考。青囊經。秦之隱君子作。玉尺經。元太師劉秉忠著。

〔星相家〕 妙稱。珞珠名。媿麻衣。通考。珞珠子。三命一卷。推人生休咎否泰之法。相經序。陳搏。師麻衣。仙翁學相術。有麻衣相經行世。

元妙。參機。臨安。望氣。絡繹賦。參造化之元機。測五行之妙理。判人生之得失。決一世之榮枯。吳越世家。有術者善望氣。於臨安見錢鏐曰。子骨法非常。有侯王之貴。願自愛。

〔輪船公司〕 製。簪。剝木。利用。旋輪。易經。剝木爲舟。音枯。剖也。旋轉也。

濟川作楫。轉軸。馳風。書經。若濟巨川。用汝作舟楫。軸。音逐。車之所以持輪者。常暉舟賦。赴海凌川。剪馳風疾。

〔植林家〕 廣開千頃材。篤重林。百畝曰頃。中庸。必因其材而篤焉。注。篤。厚也。重。平聲。

預儲盤錯密計栽培。後漢書甄探上表云。天山之堅木盤根錯節。雜植其中。中庸
故栽者培之。栽植也。覆之以土曰培。

木行。沽宜待價。選預儲材。論語。沽之哉。我待價者也。注云。沽。賣也。

美搜杞梓。擇待般。倅。左傳。杞梓皮革。自楚往也。魯般。巧匠名。倅。舜時共工名。

〔茶葉業〕。市備青瓊名馳綠髓。皮日休詩。青瓊蒸後凝。綠髓炊來光。

香儲碧乳。值換青蚨。茶譜。婺州有舉巖茶片甚細。味甘芳。煎之如碧乳。青蚨亦作

青鳧。搜神記。南方有蟲名青鳧。取用之法。以母青鳧血塗錢八十一文。又以子青鳧血

塗錢八十一文。或先用母錢。或先用子錢。皆復飛歸。名青蚨。

〔紙業〕。剡水搜奇。洛陽比價。國史補。紙之妙者。則有越之剡。藤。苔。接剡水在

越郡。晉書。左思作三都賦。豪華之家。競相傳寫。洛陽爲之紙貴。洛陽今縣名。爲河南

河洛道治。

儲稱六合。顧待中郎。六合縣名。國史補。揚州出六合錢。蕭子良書。蔡中郎非流執

豐素。不妄下筆。近人稱買主曰光賜。賜顧。

〔糖業〕 味重作甘價當利市。禮記稼穡作甘。糖爲甘味。此故借用作甘二字。

易經爲近利市三倍。

樂盡含飴名符善賈。後漢書明德馬皇后紀。吾但含飴弄孫。不能復問政矣。按飴糖曰飴。以麥芽爲之。韓非子多錢善賈。音古。坐貨曰賈。

〔五金業〕 大冶精英五都貿易。大冶鑄金鐵工也。五都漢書王莽於五都立均官。更名雒陽邯鄲臨淄宛平都市長。

儲逾三品價取五廉。禹貢厥貢惟金三品。注云三品金銀銅也。儲蓄也。逾過也。史記節驢儉貪三之廉五之。

〔藥業〕 百草搜珍五都待價。史記神農氏嘗百草始有醫藥。五都見上五金業注。待價見上木行注。

品分本草用待長桑。本草書名編列藥草種類名稱性格。相傳爲神農氏所作。載藥三百六十五味。史記扁鵲姓秦名越人。少遇長桑君。傳以禁方。

〔烟業〕 薰美金絲善籌珠算。金絲薰烟草別名。今人指算盤曰珠算。

菸、製、奇、芬、材、稱、善、賣。菸、煙、草、名。善、賣。見、上、糖、業、注。

〔酒業〕 杏、村、帘、指、黎、釀、香、新。杜、牧、詩、借、問、酒、家、何、處、有、牧、童、遙、指、杏、花、村、帘、音。

廉、酒、旂、也、卽、今、之、市、招。白、居、易、長、慶、集、注、杭、州、俗、釀、酒、趁、黎、花、時、熟、號、黎、花、春。

品、儲、綠、蟻、換、待、金、貂。白、居、易、詩、綠、蟻、新、醱、酒。晉、書、阮、孚、爲、安、東、府、參、軍、性、嗜、酒、嘗。

以、金、貂、冠、換、酒、飲、之。

〔油業〕 清、超、牛、乳、醞、勝、龍、涎。蘇、軾、詩、香、似、龍、涎、仍、醞、白、味、如、牛、乳、更、全、清、醞、音。

驗、液、體、之、濃、厚、者、龍、涎、香、名。

用、待、煎、熬、凝、同、酥、酪。酪、音、洛、乳、漿、也、酪、上、一、重、凝、者、爲、酥。

〔醬業〕 鹽、豉、交、融、蘭、梅、比、美。劉、義、慶、世、說、陸、機、詣、王、武、子、有、羊、酪、數、斛、指、示、陸。

曰、卿、江、東、無、敵、此、曰、有、千、里、萼、羹、未、下、鹽、豉、耳。桓、麟、七、說、河、龍、之、羹、齊、以、蘭、梅、接、鹽。

豉、卽、今、之、豆、豉、齊、音、濟、調、和、也、蘭、梅、木、蘭、皮、似、桂、而、香、梅、味、酸、足、以、調、羹。

和、仗、盤、梅、用、調、鼎、鼈。書、經、若、作、和、羹、爾、惟、鹽、梅。鼎、古、器、三、足、兩、耳、以、金、類、爲、之、用。

以、資、烹、飪、者、鼈、音、耐、鼎、之、絕、大、者。

〔帽業〕冠冕堂皇。文事錦繡。冕古者大夫以上之禮冠也。堂皇壯觀也。

飾首成章。精心握算。白虎通。製冠以飾首。別成人也。

〔鞋業〕魯風仿製。積日馳名。清異錄。宣宗儒雅。令有司仿孔子履。進名曰魯風

鞋。

文成十二客集三千。傅元烏先生傳。舊綾機五十絲爲五十織。先生易以十二奇文。

史記。楚春申君客三千餘人。上客皆躡珠履。

〔照相業〕妙憑寸鏡。寫入全神。攝影者。每用雙凸透鏡。故曰寸鏡。

描勝丹青。真傳面目。丹青。比畫工也。岑參詩。始知丹青筆。

〔名優〕現身說法。絕頂傳神。現身說法。佛家語。謂能現種種身。向種種人說法

也。絕頂。比最高也。

優孟登場滑稽。警世。優孟。古名優也。事楚莊王。孫叔敖卒。乃假爲叔敖。著其衣冠。作

歌以感莊王。滑稽。猶俳諧也。比言語滑利也。史記有滑稽列傳。

〔名妓〕名傾一顧。笑博千金。漢書。李延年侍上歌曰。一顧傾人城。劉禹錫懷

妓詩猶自經營買笑金。

枇杷門巷楊柳樓臺。詩話薛濤本良家子。入樂籍。號爲女校書。王建贈以詩。有枇杷

花裏閉門居之句。古詩柳色深藏蘇小家。

〔和尚〕 經翻貝葉。座湧蓮花。釋典西城無紙。以貝多樹葉寫經文。楞嚴經世

尊頂放百寶。無畏光明。光中湧出千葉寶蓮。有佛化身。

珠凝清淨筆。註楞嚴。圖覺經清淨摩尼寶珠。映於五色。楞音陵。楞嚴釋氏經名。

〔道士〕 術修黃石丹。練赤松。神仙傳黃石公者。修彭祖之術。列仙傳赤松子。

神農雨師也。服水玉散。教神農能入水不濡。入火不燒。

金門羽客白石先生。賓退錄唐保大中道士譚紫霄。賜號金門羽客。神仙傳白石

先生。黃道人弟子也。煑白石爲糧。因號白石。

歲時類

〔正月套語〕 寅書夏歷。時值春王。按夏歷以建寅之月爲歲首。春秋隱公元年

書春王正月。言隱公之始年。爲周王之正月也。

〔二月套語〕

順推芳訊已近花朝。芳訊猶花信也。梁元帝纂要。鵝兒木蘭李花

楊花、橙花、桐花、金櫻、黃荔、棟花、荷花、檳榔、蔓蘿、菱花、木槿、桂花、蘆花、蘭花、蓼花、桃花、枇杷、梅花、水仙、山茶、瑞香爲二十四番花信。提要錄。唐以二月十五爲花朝。按凡通信

時已過十五。可將近字改作過字。

〔三月套語〕

風吹柳絮水漲桃花。柳絮楊花也。飛時恰在三月。韓詩有三月

桃花水漲時句。鄭俗於榛洧水上。祓除不祥。

〔四月套語〕

天更歲序時值清和。更平聲。改也。謝靈運詩。首夏猶清和。

〔五月套語〕

蛸鳴應。螽動。因時。詩經。五月鳴蛸。蛸音迢。蟬之別名。詩經。五

月斯螽動股。螽音終。斯螽卽螽斯。蟲名。

〔六月套語〕

時當徂暑。令近初秋。詩經。六月徂暑。徂往也。

〔七月套語〕

食瓜。令轉流火。詩吟。詩經。豳風篇。七月食瓜。又七月流火。火星

名。八大行星之一。其軌道在地球與木星之間。

〔八月套語〕

月朗秋中。濤雄江上。月至中秋。則分外明朗。枚乘七發。將以八

月既望。觀濤於廣陵之曲江。

〔九月套語〕

肅霜改令。就菊吟秋。詩經。九月肅霜。肅嚴也。令。時令也。

〔十月套語〕

籥當初隕。梅早先開。籥音託。竹皮也。詩經。十月隕籥。隕落也。古

詩。十月先開嶺上梅。

〔十一月套語〕

律應黃鐘。名符天統。黃鐘。樂律名。感精符云。天統者。十一月建

子。天始施之端也。漢書以黃鐘爲天統。

〔十二月套語〕

鼓鳴應臘。管屆吹幽。十二月爲臘。荆楚記。臘鼓鳴。春草生。周

禮。國祭蜡。則吹幽頌。按年終之祭名蜡。蜡音乍。周曰蜡。秦曰臘。幽頌。卽經詩幽風篇。

〔閏月套語〕

候占桐葉。異誌黃楊。李去太平御覽。原注。梧桐可知日月正。閏生

十二葉。一邊有六葉。自下數一葉爲一月。至上十二葉。有閏則有十三葉。視葉小者。卽

知閏何月也。陸佃埤雅。黃楊性堅。歲長一寸。閏年則倒長一寸。與常年迥異。

月建非常。陰由分積。公羊傳。閏月者。何以謂之天無是月。非常月也。左傳。積分而

成月者也。

〔飢歲〕 天加饑饉。境處凶荒。穀不熟曰飢。葉不熟曰饉。

方無辟穀。困厄翳桑。辟穀。張拱傳。載道士語。人曰。神仙以辟穀爲下辟。音僻。翳桑。

春秋時晉地名。左傳。趙宣子田於首山。舍於翳桑。見靈輒（人名）餓。

〔豐年〕 兆占秀實。慶告豐穰。論語。苗而不秀者有矣。夫秀而不實者有矣。夫注。

云。穀之吐花曰秀。成穀曰實。穰。平聲。豐盛也。

歲歌。大有。喜溢同人。大有。豐年也。本易經卦名。乾下離上。火在天上。所照者廣。故爲

盛大豐有之象。

〔早〕 蟾輝欲落。雞唱初聞。蟾輝。月光也。元中記。桃都山有大樹。名曰桃都枝。

上有天雞。日初出。照此木。天雞卽鳴。天下雞隨之皆鳴。

曙光微動。曉色迷茫。曙。曉也。迷茫。不明之謂。

〔午〕 圖徵貓眼。粉曬蝶衣。埤雅。有人收牡丹圖者。叢下有一貓。有別畫者曰。此

正午牡丹也。蓋貓眼。黑睛如線。此正午貓眼也。貓眼。且暮日睛圓。日正午。則如一線。

古詩。蝶衣曬粉花枝午。蝶衣。蝶翅也。

聲聞市聚夢倦書拋。易經日中爲市。古詩手倦拋書午夢長。

〔薄暮〕

飛雲歸岫倦鳥投林。陶淵明歸去來辭。鳥倦飛而知還。

炊烟隱約暮靄空冥。炊烟熟飯之煙靄音藹雲氣也。冥音銘昏晦不明也。

〔夜〕

長河千里皓月一輪。張正見詩耿耿長河曙長河天河也。

柝聲迢遞燈火通明。柝音託夜行所擊以警盜者俗謂之敲更迢遞遠也。

〔陰〕

庭昏野晦天醉雲愁。祖詠蘇氏別業詩庭昏未夕陰駱賓王詩野晦寒陰

積韓偓詩陰沉天氣連翩醉唐彥謙春陰詩春雲更覺愁。

天容刷墨水淡生煙。楊萬里詩淡天刷墨曉來陰李白詩水淡淡兮生煙。

〔晴〕

四方澄廓萬象鮮妍。唐書崔渾秦毀武氏廟以順天下之心。中宗納之陰

雲四除萬象澄廓。魏略延康元年久霖魏有天下乃霽萬象鮮妍。

花紅喜燥水白添澄。庾信喜晴詩水白澄潭淺花紅燥更濃。

〔新晴〕

枝懸殘滴房有餘清。虞世南詩殘滴尙懸枝。謝蟾詩閒房有餘清。

殘虹飲澗新溜侵塘。王曾雨晴詩殘虹低飲澗新溜上侵塘。

〔熱〕 霖期潤閏吹候鳴條。劉言史詩。望霖期潤礎。思吹候鳴條。礎柱下石也。

鹽鐵論。太平之世。風不鳴條。鳴條。風撼樹枝而相鳴也。

池煎畏景。閣絕微颺。王言史詩。曲池煎畏景。高閣絕微颺。畏景。比烈日也。景。當讀作影。颺與颺同。(音標)風大曰颺。

〔涼〕 添宜半臂。擁到重裘。半臂。事物紀原。隋大業中。內官多服半臂。按此卽俗謂之披襖。小者曰背子。擁。上聲。遮蔽也。重。平聲。裘。大被也。

風來瑟縮。氣感陰沉。瑟縮。蕭索收斂之意。呂氏春秋云。筋骨瑟縮不達。

〔苦寒〕 氣森徹骨。冷欲裂膚。森。嚴肅也。徹骨。透入骨也。弔古戰場文。墮指裂膚。

暖添熾炭。寒到重裘。熾。音熾。火盛也。重。平聲。

地輿類

〔山〕 層巒聳翠。排闥送青。王勃滕王閣序。層巒聳翠。上出重霄。山之紆回綿連者曰巒。排闥。推門而入也。古詩。遠山排闥送青來。

遠看如畫淡喜無塵。韋莊詩。遠山爲畫翠眉橫。蘇軾詩。楚山淡無塵。

〔水〕 輕羅影動淨穀光搖。謝宗可水詩。淨穀光搖湘女鏡。輕羅影動水仙機。穀

縹紗也。

蘸岸按藍澄波映綠。蘸讀如斬。以物沾水也。陸游詩。權邊蘸岸按藍水。按奴訛切。平

聲按揉也。

〔石〕 錦中雲葉鏡裏巖花。李嶠詠石詩。巖花鏡裏發。雲葉錦中飛。

粲呈玉質媚著霜華。粲美也。李程石賦。粲玉質以皎白。著霜華而明媚。

〔海〕 浴躍雙丸宗朝萬派。雙丸比日月也。書經。江漢朝宗於海。言水之歸海。

如諸侯朝見天子也。

島間有國波外無天。周繇望海詩。島間應有國。波外更無天。

〔河〕 波縈地節氣耿天潢。江總渡黃河詩。導波縈地節。流氣耿天潢。天潢星名。

耿明也。

波通馬頰水。迸龍門。駱賓王渡黃河岸。通波連馬頰。迸水急龍門。按馬頰河名。爲九

河之一。龍門山名。

〔江〕 生成天塹。宛似雪城。曾棨渡江詩。不用臨流羨天塹。塹去聲。砌豔切。坑也。

掘地引水環繞之。以爲保護之意。蘇軾詩。江起槎牙似雪城。

長連楚蜀。派瀉東南。蘇軾詩。長江連楚蜀。萬派瀉東南。

〔湖〕 絳巖百里。青草三春。唐書地理志。昇州句容縣西南三十里。有絳巖湖。周

百里。盛宏之荊州記。巴陵南有青草湖。

冷冷漱玉。浩浩分風。冷冷水聲。輿地紀勝。豐湖在惠州城。西有漱玉灘。荊州記。宮

庭湖。廟神甚靈。途旅經過。無不祈禱。能使湖中分風。而帆南北。又名分風湖。

〔池〕 遙看漾壁平。類鋪金。江總天淵池銘序。曉川漾壁。皮日休詩。池文帶月

鋪金簾。

荷疏石淺。榜轉橋開。鮑至山池詩。荷疏不礙楫。口淺好繫苔。風光逐榜轉。山靄向橋

開。榜船也。

〔溪〕 七星夜朗。雙月秋高。政和有七星溪。政和縣名。今屬福建。陽朔有雙月

溪陽朔縣名。今屬廣西桂林。

孤舟訪戴三笑送陶。語林王子猷雪夜乘舟剡溪訪戴逵。廬山記惠遠送客過虎

溪虎輒鳴。一日送陶潛陸靜修不覺過虎溪因大笑。世傳三笑圖。

〔潮〕來如風雨壯比雷霆。陶翰討潮來如風雨。鄭善夫觀濤詩潮汐秋來壯。

雷霆水上多。

連山噴雪捲地堆沙。李詩潮似連山噴雪來噴鼓鼻出聲也。劉禹錫詩八月濤聲

捲地來捲起沙堆作雪堆。

〔津渡〕勝稱邀笛穩泊橫舟。邀笛步在上元縣王徽之遇桓伊處。

水倒空青煙橫積素。李白詩水色倒空青林煙橫積素。

〔道路〕古堦坦蕩皇路清夷。說文堦九達道也似龜背。皇路大道也。宋王禹

偁待漏院記皇路於是乎清夷。

八達崇期九經橫列。爾雅八達謂之崇期。周禮匠人營國國中九經九緯。

〔馬路〕貫魚行穩走馬聲喧。魚行連貫曰貫魚。元稹詩貫魚行邈迤。漢書張

敵傳敵無威儀常朝罷走馬章臺。

鋪喜沙平潤先水漬。漬集義切。沉浸而使之沁入也。

〔谷〕 深稱窈窕響答琮瑋。窈音杳（讀如調）深遠也。司空圖詩品。窈窕深谷。

夷陵有琮瑋谷夷陵縣名民國改宜昌縣。

人歌駒繫鳥聽鶯遷。詩經皎皎白駒在彼空谷繫之維之以永今朝。詩經伐木丁

丁鳥鳴嚶嚶出于幽谷遷于喬木。

〔岡〕 振衣千仞置酒三垂。左思詠史振衣千仞岡。五代史李克用破邢州還

上黨置酒三垂岡。

高數落星快臨望海。潛確類書落星岡在應天府西北。又望海岡在肇慶府陽江

縣南登之可望海。

〔洞〕 樵柯遺勝斧跡探奇。二仙洞一名玉子洞在夔州府大寧縣昔王子探樵

見二人圍棋於此局未終而斧柯已爛柯斧柄也。雷公洞在霍山縣烏梅尖下壁上

有斧跡。雨生薤葉春透桃花。楊載水樂洞詩。雨過門前生薤葉曹唐武陵洞詩。

莫使桃花閉洞門。

〔村〕 依然花柳宛結。朱陳。古詩。柳暗花明又一村。宛卽宛然。與依然相同。結

合也。朱陳村。在豐縣。見陳仁錫潛確類書。所居朱陳二姓。世世結爲婚姻。

數家院落。一帶桑麻。院落。房屋有牆垣之稱。

〔市〕 肆誇雲曼。詩比星繁。陳列貨物之所曰肆。王虞賦。列肆雲曼。曼。長遠貌。

塵市邸也。蜀都賦。纖麗星繁。

聲喧闐闐。盛聚魚鹽。闐闐。市塵也。許渾詩。亥市魚鹽聚。

〔井〕 液飛石竇。澄比泉甘。朱子詩。石竇飛液靈竇穴也。

潔瓊漱齒。汲近居眉。柳宗元詩。汲井漱寒齒。眉。井邊地也。楊雄酒箴。觀瓶之居。居

井之眉。

〔泉〕 瀉紅比色。登碧成文。謝靈運詩。石磴瀉紅泉。吳筠廬賦。壅之則澄碧。

味甘若醴。色冷如冰。駱賓王泉頌。見此二句醴厚酒也。

〔田〕 歸山買隱。負郭催耕。杜甫詩。歸山買薄田。蘇秦曰。使吾有負郭田二頃。

豈得佩六國相印耶。

聊服先疇何憂晚歲。西都賦農服先疇之畎畝。疇田也。楊播傳苟有良田何憂晚

歲晚歲遲也。

〔沙漠〕 浪淘瀆潤風簸驚飛。劉禹錫詞九曲黃河萬里沙浪淘風簸白天涯。

鮑照賦驚沙坐飛。

炊難作飯路潤無泥。顧況詩炊沙作飯豈堪食。陸游詩沙路潤無泥。

〔塵〕 一鋪香屑千里金沙。拾遺記石季倫所愛婢數十人屑沉香塵布象牀上。

王子年拾遺記岱與山南有平沙千里色如金風起若霧亦名金塵沙。

碧埃輕起紅霧看飛。皮日休詩碧埃輕勃勃埃音哀塵也。蘇頲詩飛埃結紅霧。

〔冰〕 堅凝玉質素競瓊漿。王起賦或鏡華而玉質。史宏賦與瓊漿而競素。

結來澤腹賣就街頭。禮記月令篇水澤腹堅。陸游詩街頭初賣苑池冰。

〔花園〕 十二欄杆千萬紅紫。古詩萬紫千紅總是春。

春藏錦繡景入林泉。徐夔詩春藏錦繡風吹拆。

〔杭州西湖〕 六橋烟景。三竺風光。六橋在西湖蘇隄上。宋蘇軾建。曰映波。鎖瀾。望山。壓隄。東浦。跨虹。又裏湖亦有六橋。明楊孟映所建。曰環璧。流金。臥龍。隱秀。景行。濬源。三竺。卽三天竺山。在西湖分上中下三竺。三面阻山。

號稱明聖。秀萃錢唐。明聖卽西湖別名。西湖在錢唐縣境。

〔嘉興南湖〕 樓憑煙雨水浴鴛鴦。嘉興之秀水縣南有湖卽南湖。中多鴛鴦。又名鴛鴦湖。煙雨樓在鴛鴦湖上。當高阜之勝。四面臨湖。

〔廬山〕 江陽名嶽。匡裕高廬。伏滔序廬山者。江陽之名嶽。周景式廬山記。匡裕周威王時人。生而神靈。廬於此山。世稱廬君。故山取號焉。

萬壑迴縈。千巖阻積。鮑昭登廬山詩。千巖狀阻積。萬壑勢迴縈。與阻同。

〔蘇州虎邱〕 祠留短簿墓。弔眞娘。明都穆遊虎邱山記。從石旁上東山廟。卽短簿祠。雲溪友議。眞娘。吳國佳人也。有譚銖者。書一絕云。何事世人惟重色。眞娘墓上

獨留詩。

李都記。美張沈書工。唐李翱明都穆皆有遊虎邱記。陳張種有與沈炯論虎邱山

書。沈亦答書甚詳晰。

〔秦淮〕

烏衣門巷。畫舫笙歌。烏衣巷在秦淮南。王導謝安居此。其子弟皆稱郎。

故名。秦淮畫舫甚多。出游每載妓相從。今猶是焉。

渡臨桃葉村近杏花。桃葉渡在秦淮河沿。桃葉王獻之愛妾名。當時在此過渡。因名。

杏花村。杜牧之沽酒處。亦在秦淮河沿。

〔莫愁湖〕

美人千古勝地。三山。莫愁湖在金陵三山門外。

〔無錫慧山泉〕

品題誌美。清冽稱甘。慧山泉在無錫縣西。慧山東麓。清冽甘美。

陸羽品爲天下第二泉。

政界類

〔外交部交際司〕

籌陳主任。策佐邦交。主宰其事者爲主任。邦交我邦與

鄰邦往來之交誼也。

禮隆優待。重掌勳章。交際司所職掌。係接待外賓。及核准本國官民收受外國勳章。

與外交官僑民叙勳等事。

〔外交部外政司〕 約章、溯案、籍貫、分司。外政司所職掌，係禁令裁判獄訟交

犯公約及本國人出籍外國人入籍之事。

案查、引渡、會掌、保和。凡獄訟交犯，謂之引渡。外政司所掌，凡保和會紅十字會外

人保護賞恤皆隸之。

〔外交部通商司〕 權爭、郵電、護及、工商。凡交涉郵電及保護僑民工商皆爲

通商司所職掌。

禮、修、延、聘、職、重、通、商。通商司掌延聘外人及開埠通商事件。

〔外交部庶政司〕 傳、教、息、爭、審、情、援、律。庶政司所職掌，係外人傳教交涉及

在外之本國人關係民刑法律事。

慎、重、民、刑、維、持、公、賽。民刑見上條，各國公會賽會皆庶政司所職掌。

〔陸軍部軍衡司〕 事、崇、上、考、褒、記、軍、功。軍衡司所職掌，係考績叙勛及褒章

賞給之事。上考官吏考成之最上者也。盧邁傳邁進給事中，俄會考課固辭上考。

〔陸軍部軍務司〕 責、重、戒、嚴、猷、襄、征、發。軍務司專掌戒嚴征發事。

〔陸軍部軍械司〕 修明武備。整飭戎裝。軍械司係掌槍砲武裝之事。

〔陸軍部軍學司〕 飭理兵科。主持操典。兵科操典為軍學司所掌。

〔陸軍部軍需司〕 統籌糧秣。悉協權衡。軍需司應有統籌全國軍營糧秣之

職。秣音末。食馬穀也。權秤錘衡稱物輕重之器。稱量之亦曰權衡。

〔陸軍部軍醫司〕 術驗刀圭。傷防軍旅。神仙傳。沈羲學道於蜀老君。使玉女

持金案玉杯盛藥。賜之曰。此是神丹。飲者不死。夫婦各一刀圭。刀圭藥物量名。

〔陸軍部軍法司〕 法比霜嚴。猷宣露布。古時用兵獲勝。上功於朝廷。謂露布

〔陸軍部軍馬司〕 驂編鵠。鵠乘美。驂驢。駕車之馬在兩旁者曰驂。鄭國有鵠

鵠陣。左傳。鄭駟（人名）願為鵠。其御願為鵠。驂驢。良馬名。

〔陸軍測量總監〕 要塞頌書。測量考績。要塞陸路險要之處。績功勞也。

〔海軍部軍衡司〕 任官惟賢。論功必賞。軍衡司所屬有任官賞賚諸科。書經。

任官惟賢才。

〔海軍部軍務司〕 圖縮汪洋。統籌典制。軍務司所職掌。為典制測繪等事。汪

洋大海也。

〔海軍部軍學司〕

術深航海機試乘風。軍學司所屬有航海輪機諸科。

〔京師警察總監〕

維持首善保衛心勞。京師爲首善之區故稱。

〔勤務督察長〕

功課旬宣職崇視察。詩經來旬來宣指召公使伍卒巡於路以

清奸宄也。

〔消防督察長〕

令嚴戒火政布司城。消防隊之設以救火災。左傳宋災樂喜

〔人名〕爲司城。〔官名〕火所未至徹小屋塗大屋。陳舂掘具緹缶。

〔各區警察署長〕

謀襄守望令佐維持。孟子守望相助注云守望防寇盜也。

〔國史館長〕

權重董狐訛刪帝虎。左傳董狐〔人名〕古之良史也。葛洪抱朴

子書三寫以魚爲魯以帝爲虎。

〔國史館纂修〕

旨承柱下評比文中。柱下官名周老聃嘗爲柱下史。山堂考

索古之爲史者舉其大綱堯舜二典是也。後爲編年以序事。司馬遷始創紀表書傳各

體。文中子以爲失古史體裁之始。

〔國史館協修〕 旁、參、編、紀、佐、治、春、秋、孔子作春秋而亂臣賊子懼。

〔督軍署參謀長〕 猷、匡、富、弼、政、佐、韓、琦、富弼、韓琦均宋之名臣。出守重鎮者匡

佐皆贊助之謂。

〔督軍署副官長〕 令、承、軍、政、典、守、兵、符、典、守也。論語注、典守者不得辭其過。

〔督軍署秘書〕 令、申、露、布、旁、午、軍、書、三令五申再三誥誡也。史記孫武傳、三令

五申之。露布見上陸軍部軍法司注。事煩雜曰旁午。漢書、使者旁午。軍書、行軍之文書也。漢書、軍書交馳而輻輳。

學界類

〔教育會自稱語〕 進、求、三、育、策、仗、羣、賢、三育、德育、智育、體育也。仗、依賴也。

〔勸學所自稱語〕 意、在、育、才、責、無、旁、貸、責、任、旁、貸、假、旁、人、以、代、之、之、謂。

〔校長自稱語〕 任、慚、作、育、力、矯、因、循、作、育、培、植、人、才、之、謂。矯、匡正也。因循、守

舊不改也。

〔西文教員自稱語〕 繙、譯、疏、才、提、攜、認、任、提、攜、挈、之、以、行、也。師長之於弟子有

提挈以行之義。

〔中文教員自稱語〕學。慙。模。範。講。擁。舉。比。揚子。務學不如務求師。師者人之模範也。宋史張載坐虎皮講易。舉比。虎皮也。比。平聲。

〔地輿教員自稱語〕略。識。方。輿。忝。膺。講。席。方輿。大地也。宋王賦。方地爲輿。

〔算學教員自稱語〕初。讀。周。髀。貽。譏。便。腹。宋鮑澣之周髀算經序。周髀算經。古蓋天之學也。其書出於商周之間。自周公受之於商。高周人志之。謂之周髀。後漢書。邊孝先文學知名。教授數百人。晝日假寐。弟子私嘲之曰。邊孝先。腹便便。懶讀書。但欲眠便平聲。

〔圖畫教員自稱語〕粗。諳。繪。事。自。愧。師。模。論語。繪事後素。注云。繪事。繪畫之事也。師模。邴原別傳。鄭康成。誠學者之師模也。

〔手工教員自稱語〕編。製。未。精。青。藍。滋。愧。荀子。北史李謐。初師博士孔璠。後璠還就謐請業。同門生語曰。青成藍。藍謝青。師何常在。明經滋多也。深也。

商界類

〔公司董事自稱語〕 謬任董成愧居虛左。董督也。董成監督其事之成功也。左傳隨人使少師董成。虛左。虛尊位以待賢者也。史記信陵君傳公子從車騎。虛左自迎侯生。

〔公司總理自稱語〕 慙膺領袖莫益錙銖。衣之提挈必在領袖。今以喻人之能提挈其下者爲領袖。十黍爲累。十累爲銖。六銖爲鎰。比數目細少也。

〔公司協理自稱語〕 術昧經營位尸協理。謀作事物曰經營。故今人以營業爲經營。尸位言居位不事事也。詩經太康尸位。

〔查帳員自稱語〕 勉任鈎稽時虞忽略。鈎稽核算也。通典漢有御史主簿。唐置一人掌府事鈎稽省署。虞慮也。忽略不經意之謂。

〔會計員自稱語〕 心計盈虧形勞權算。桑宏羊（人名）心計成數。能不必用籌權。征稅去也。今人通以算權爲計算之稱。

〔文牘員自稱語〕 書函待發晷刻不遑。晷所以量日影者。不遑猶無暇也。
〔庶務員自稱語〕 事同蝟集拋惜駒陰。蝟集言事多而錯雜也。蝟徧身有刺。如

粟房。故以爲比。俞安期賦。華榱螭集而縱橫。駒陰。光陰也。史記。人生一世間。如白駒過隙。按白駒。日影也。

〔店東自稱語〕 學。權。子。母。勉。逐。毫。厘。子。母。錢。也。南方有蟲名青蚨。殺其母以血塗錢。以其子血塗貫。錢用則自還。見搜神記。今人稱本錢爲母。利錢爲子。

〔管事自稱語〕 居。停。託。重。經。理。才。疎。居。停。見宋史。丁謂傳。今稱所主之人曰居停。經理。今商店稱總管事之稱。

〔店夥自稱語〕 材。非。善。賈。計。作。依。人。韓非子。多錢善賈。賈音古。依人。依賴於人也。

〔客幫店自稱語〕 坐。莊。積。日。握。算。頻。年。今人稱客幫主管之夥曰坐莊。頻年。積有多年也。

〔收帳店自稱語〕 遺。珠。防。漏。對。簿。言。勞。莊子。黃帝遊乎赤水之北。登乎崑崙之丘。而南望。還歸。遺其玄珠。此係借用。言防算珠之遺漏也。史記。大將軍使長史急責廣之幕府對簿。此亦借用。言對帳簿也。

〔錢業自稱語〕互通錢幣藉活金融。金融金錢之融通狀態也。

〔綢緞業自稱語〕衣宜縞製織就絲純。白色生絹曰縞。綢緞均是純絲故曰

絲純。

〔布業自稱語〕製成綵幅用抵舶來。許慎說文綵細布也。今人稱洋貨曰舶

來品。

〔洋貨業自稱語〕敢誇琛囊聊備鋪陳。琛敕音切。囊音燼。外夷所貢之奇珍曰

琛囊此以比洋貨也。

銀樓業自稱語〕同心綰髻飾首添裝。瑯嬛記輕雲鬢髮甚長。每梳頭立榻上

猶拂地以結綰左右餘髮各粗一指結束作同心帶垂於兩肩。婦女所用釵珥之類

今人通稱爲首飾。

〔衣業自稱語〕量如稱體被可彰身。稱去聲。合也。左傳衣身之彰也。彰與章

同。

〔米糧業自稱語〕儲來倉廩備作餼糧。倉廩穀藏曰倉。米藏曰廩。餼乾糧也。

經詩乃裹餼糧。

〔典當業自稱語〕 情通稱貸格取便宜。孟子又稱貸而益之以財物借人曰貸。

今人稱價格廉者曰便宜。

〔書業自稱語〕 本均校誤價概從廉。校誤攷對錯誤也。價值較輕曰廉。

〔珠玉業自稱語〕 珍搜山海品待隨和。陸機文賦石韞玉而山輝。又禮斗威儀

云海出明珠。隨和隨侯之珠卞和之璧品評品也。

〔古玩業自稱語〕 敢將贗鼎藉混魚珠。贗鼎韓非子齊伐魯索譏鼎魯以其贗

往今謂紡造僞託之物曰贗鼎。韓詩外傳魚目似珠。後人因以贗鼎充真物曰魚目

混珠。

〔鞋業自稱語〕 移勞玉趾著稱青絲。趙良器履賦遵玉趾而更移。著音酌稱

去聲。合也。杜甫詩細軟青絲履。

〔帽業自稱語〕 名依掩月樣陋翦雲。黃一正事物紺珠載有掩月冠披冠等雲

名。羅虬詩知有持盈玉葉冠翦雲裁月照人寒。

〔海味業自稱語〕 族。搜鱗介。用佐饗殮。鱗魚族。水族有甲者謂之介。朝餐曰

饗。夕餐曰殮。殮音孫。

〔紙業自稱語〕 製仿簾絲緣聯翰墨。凡造紙多用簾以攤乾之。故每有簾絲紋。

〔筆業自稱語〕 鏤儲彤管。選待詞林。彤管赤管筆也。竇訓筆賦。耀彤管以孔嘉。

又云。効用詞林。詞林猶言文苑。梁昭明太子書漁獵詞林。

〔鐘表業自稱語〕 針量晷刻。漏代壺鳴。晷音軌。測日景以定時刻之器曰日晷。

銅壺滴漏。古計時器。水壺三。形方。上曰日天壺。次夜天壺。次平水壺。下有分水壺一。

形方。受水壺一。形圓。播水三壺。以次漏於受水壺。受水壺上立銅人。抱漏箭。下安箭舟。

水長舟浮。則箭上出。水盈箭盡。則洩之於池。

〔參燕藥業自稱語〕 品需滋養。貨敢居奇。參燕皆滋養藥品。通鑑。秦太子妃

華陽夫人無子。夏姬生異人。質於趙國。不得志。陽翟大賈呂不韋見之。曰。此奇貨可居。

〔雜貨業自稱語〕 具陳百物。權作零沽。零沽。零星分賣之謂。

工界類

〔工廠長自稱語〕 藝、欠、觚、稜、位、慚、領、袖。 藝、技能也。凡物有廉角者曰觚稜。此

以言藝不成名也。 領、袖、比己之地位。足以提挈他人也。

〔工廠技師自稱語〕 藝、成、而、下、師、出、無、名。 藝、成、而、下、句、見、類、函。 師、出、無、名、

謙言虛有技師之名也。

〔工作監督自稱語〕 歌、興、勸、力、正、勗、從、繩。 呂氏淫詞篇。今舉大木者。前呼與

誘。後亦應之。興、誘、舉、重、勸、力、歌、也。 勗、應、作、勗、音、旭。 勉、勵、之、意。 書、經、木、從、繩、則、正。

〔材料管理自稱語〕 數、類、屈、指、度、幸、從、心。 度、音、讀、量、也。 左、傳、山、有、木、工、則、度

之。 論、語、七、十、而、從、心、所、欲。

〔測繪圖樣〕 自、愧、拙、工、難、翻、新、樣。 孟、子、大、匠、不、廢、拙、工。

各業類

〔紗廠業自稱語〕 資、同、棉、薄、名、添、紗、籠。 資、指、本、錢、也。 棉、薄、比、力、量、如、棉、之、薄

弱也。 方、回、詩、綿、薄、希、儲、時。 紗、籠、據、言、王、播、少、孤、貧。 客、揚、州、木、蘭、院、隨、僧、齋、餐。 僧、厭、之。

齋、罷、而、後、擊、鐘。 後、二、年、播、出、鎮、揚、州。 因、訪、舊、時、之、上、堂、已、散、各、西、東。 慙、愧、閑、黎、飯、後、鐘。

句。已碧紗籠之矣。

〔絲廠業自稱語〕

身如繭縛事免絲禁。身如繭縛此身爲廠事所束縛也。禁

亂也。左傳猶治絲而禁之也。此猶言廠事有條緒也。

〔織綢業自稱語〕

事類牽絲花難添錦。王安石詩麗唱仍添錦上花。此以比

綢緞之織爲錦上添花也。

〔織布業自稱語〕

素經久練勞逐鳴梭。晉書王導爲太保時置素練布單衣。

梁簡文帝詩鳴梭逐動釧梭織布之具所以行緯者。

〔製鐵業自稱語〕

柔期繞指鍛屢經心。劉琨詩何意百鍊鋼化爲繞指柔。

鍛音斷打鐵也。

〔槍砲業自稱語〕

經營火器切近危機。槍砲之屬皆稱火器。

〔機器業自稱語〕

輪轉勞心機難得手。輪轉此以比心爲機輪之旋轉也。

莊子輪扁曰不徐不疾得之於手而應之於心。

〔洗染業自稱語〕

色冀成文詩參薄澣。禮記五色成文而不亂。詩經薄澣

我衣。按薄字爲發語詞。聊且二字之意。澣音緩。洗滌也。

〔織襪業自稱語〕 裁成細布製並緋羅。秦嘉與婦徐淑書。奉細布襪二兩。元

與照志。緋羅錦帛一兩。緋帛赤色也。

〔織帶業自稱語〕 名仿銀裝。飭儲綠繡。劉孝儀。有謝晉安王賜銀裝絲帶啓。

張君房雲笈七籤。九華安妃着雲錦裙。上丹下青。文彩光鮮。腰中有綠繡帶。

〔製帽業自稱語〕 穀從新翦。樣取時裝。唐實錄。唐初以翦穀爲帽。隔風塵。穀卽

今之縐紗也。

〔製巾業自稱語〕 用資拂拭。尙稱織綿。斜掠而過曰拂。措曰拭。織綿細軟也。

稱去聲。適合也。

〔製革業自稱語〕 屢非紙飾。鞏取皮堅。今日本有似革製之物品。其實以紙爲

胎。上覆以漆。人每誤爲革製。重價購之。質音雁。僞物也。鞏音拱。固也。

〔製衣業自稱語〕 剪裁薄技。縫紉生涯。今人指以爲營生之事業曰生涯。庚信

文有溢生涯。

〔花邊業自稱語〕 樣、畫、雙、鈎、絲、牽、九、曲。雙鈎比空心也。潛確類書。六朝人摹字。

以遊絲筆空圈字畫。填以濃墨。謂之雙鈎。

〔漆器業自稱語〕 術、施、髹、漆、器、仿、觚、稜。髹漆以漆漆物曰髹。續文獻通考。元有

宮殿髹漆之工。凡器有廉角者曰觚稜。

〔雕刻業自稱語〕 工、摹、想、像、技、陋、雕、蟲。想像理想中而得其狀況也。雕蟲蟲

蝕物之狀態。法言。童子雕蟲篆刻。

〔繪事業自稱語〕 學、染、丹、青、難、工、色、相。丹青畫也。晉書顧愷之傳。尤善丹青。

色相。佛家語。凡有形式者皆謂之色相。

〔製燭業自稱語〕 開、花、有、耀、行、夜、無、妨。閻朝隱詩。蠟炬開花夜管絃。左傳。光遠

而自他有耀者也。禮記。夜行以燭。

〔製皂業自稱語〕 藉、去、舊、污、尙、符、實、用。舊污昔日所染之污垢也。符合也。

〔牙粉業自稱語〕 石、非、礪、齒、蘭、似、吹、芬。晉芬孫楚。字子荆。少時欲隱居。謂王濟

曰。當枕石漱流。誤云枕流漱石。王曰。石可漱。流可枕乎。孫曰。枕流欲洗其耳。漱石欲礪

其齒也。礪磨也。洞冥記。漢武帝所幸宮人名麗娟。吹氣勝蘭。

〔瓷器業自稱語〕 製遜哥。審純。稱國貨。哥審。古瓷名。王世貞宛委餘論。宋時處

州張生兄弟皆作審。兄所作比弟稍白而斷紋多。號曰坡碎哥審。卽謂其兄所作者。

〔陶器業自稱語〕 搏就胚胎。幸非苦窳。搏音團。以手團之也。器物之未成而有

形武者曰坯。亦曰胎。史記。舜陶於河濱。器不苦窳。苦窳。陶器之下劣而無用者。窳音

愈。

〔磚瓦業自稱語〕 製沿闕。父名仿。韋丹。左傳。昔虞闕父爲周陶正。韓愈韋丹

墓志。江南民不爲瓦屋。觀察使韋丹。聚瓦材於場。召工教爲陶瓦。

〔玻璃業自稱語〕 類分鉀。鈉。用透光。明。鉀音甲。化學金屬原質名。爲八面形結

晶體。色如白銀。有光澤。質柔軟如蠟。易於養化。其化合物。多以爲製造玻璃之原料。鈉

音訥。化學原質名。以灰酸鈉。碳酸石灰。白砂等製成。足造玻璃品中之平版瓶管。透

讀如偷。去聲。通過也。

〔造扇業自稱語〕 月將取象。風許招涼。徐幹團扇賦。仰明月以取象。

〔顧繡業自稱語〕 五紋並刺一例從廉。杜詩刺繡五紋添弱線。從廉價從減少也。

〔化妝品業自稱語〕 聊佐閨裝試評香豔。閨人妝飾之品通曰閨裝。

〔製藥業自稱語〕 方覓千金丹經九轉。唐書孫思邈有千金方。九轉丹真誥。

仙道有九轉神丹服之化爲白鶴。

〔碾米業自稱語〕 術費磨礮用除糠粃。磨礮爲磨穀去殼之具。糠穀皮也不

成米曰粃。字音匕。或又作穀皮解。

〔製麵業自稱語〕 搏從粉碎切似條分。搏字見前陶器業自稱語註中。切以

刀斷之之謂條分。謂爲枝條之長直而分明也。

〔罐頭業自稱語〕 味自蓋藏氣無洩漏。禮記月令篇謹蓋藏。蓋謂遮蓋爲器皿

之有蓋卽所以遮蓋之也。藏匿也不使人見也。比罐頭食物蓋藏於內而不見也。漏

洩指氣味形色流露於外也。陳書未嘗洩漏。

〔印刷業自稱語〕 字同石勒機作輪旋。後漢書竇憲與單于戰於稽落山大破

之憲遂登燕然山刻石勒碑令班固作銘印刷機其輪旋轉故云輪旋

〔傢具業自稱語〕名分櫃檯用備鋪陳說文櫃圓案也方言案者陳楚宋魏均

謂之檯鋪陳鋪張而陳列之也

〔建築業自稱語〕安排杗桷煞費準繩杗音茫棟也桷音角椽之方者韓愈進

學解大爲杗而細爲桷所以爲平之器曰準木工以繩正曲直故準繩二物皆建築

時需用之最要者

閨閣類

〔自謙乏德語〕行虧淑慎度遜溫恭張林陳夫人碑芳徽風邁淑慎其身淑清

澁也按古今稱美女子之詞多曰淑詩經溫溫恭人惟德之基遜有虧缺之意

〔自謙淺學語〕文慙蘇錦詞愧徐書晉書寶滔妻蘇氏名蕙字若蘭善屬文滔

爲秦州刺史被徙流沙蘇織錦爲迴文璇璣圖詩以寄滔徐淑答夫秦嘉書未奉光

儀寶釵不列未親帷帳芳香不發等句人爭傳誦之

〔自謙西文語〕妝臺背誦歐本旁參背誦暗記而誦也三國志因使背而誦之

歐州名。歐羅巴之簡稱。旁參。從旁作爲參考書也。

〔自謙算術語〕

數絃無慧。握算滋訛。

世說。蔡邕夜鼓琴。絃絕。文姬時六歲。聞而

屈指曰。第二絃。豈又故斷一絃。姬答曰。第四絃。滋訛。多錯誤也。

〔自謙醫學語〕

飛雪。研丹。回春。乏術。

古今注。秦穆公女弄玉。感仙人蕭史。爲燒

水銀作粉。與塗名飛雪丹。從此駐顏不老。

回春。黍谷地美而寒。不生五穀。鄒子居之。

吹律而溫氣生。今人謂病有轉機者曰回春。卽本此說。

〔自謙烹飪語〕

中饋。未諳。寸長。莫擅。

中饋。言婦人在家。主飲食之事。易經。无攸

遂。在中饋。嫻其技曰擅長。王捧珪賦。在七政雖擅其長。

〔自謙針黹語〕

針穿。乞巧。樣愧。翻新。

荆楚記。七夕。婦人結綵樓。穿七孔針。陳酒

脯瓜果於庭以乞巧。

東京夢華錄。七夕以瓜雕刻成花樣。謂之花瓜。時人稱爲花樣

翻新。

〔自謙機織語〕

杼軸。言勞。璣璇。輪巧。

彭大翼山堂肆攷。杼機之持緯者。軸機之

度經者。璣璇。見自謙淺學語注。

〔自謙繪畫語〕 繡閣餘閒畫屏學寫。名畫錄。周昉。字仲朗。京兆善畫仕女。元稹

詩。閑倚畫屏笑周昉。枉拋心力寫朝雲。

〔自謙書法語〕 書臨行草格。遜簪花。東坡志林。真生行。行生草。真書如立。行書

如行。草書如走。書斷。衛夫人從妹名恆。袁昂評其書法。如插花美女。後人因稱爲簪花格。

〔自謙演說〕 步障。酬賓。當場笑我。世說。王獻之與客談。義不勝。其兄凝之妻謝

道韞。遣婢曰。請與小郎解圍。乃施青紗步障。自蔽。與客談。客不能屈。

〔自謙理家語〕 位居正內。職愧宜家。易經。女正位乎內。詩經。宜其家人。

〔女校長自謙語〕 平權。重女。作育。儲才。男女平等。權利相同。故曰平權。長恨歌。

不重生男重生女。作育培植人才之謂。

〔女教員自謙語〕 教慙伏女。謬作人師。衛宏尚書序云。伏生老不能正言。言不

可曉也。使其女傳言教錯。按錯。卽鼂錯也。漢紀。郭泰曰。經師易得。人師難求。

〔女學生自謙語〕 深愧才庸。受辜姆教。姆教。見禮記內則篇。姆女師也。

慶賀類

〔賀得選議員〕器重圭璋言資模範。玉器之貴重者曰圭璋。亦以比人品。詩經

如圭如璋。模範製器之型。稱人之足爲儀法者亦曰模範。

〔賀內閣總理履新〕首揆應選中軸更新。書經使宅百揆揆度也。揆度百事也。

漢書履伊呂之列當軸處中。

〔賀外交〕總次長履新。禮修玉帛新煥經綸。左傳執玉帛者萬國。按帛者幣帛也。

言國際往來以玉帛交接爲禮也。經綸皆治絲之事。比辦外交事如治絲也。

〔賀內務〕總次長履新。總持民治特任專司。按內務部係主持民治之總機關部。

〔賀財政〕總次長履新。職司國用選洽民曹。禮記冢宰制國用。歷代沿革漢帝置

尙書五人。其三爲民曹主財帛委輸民曹人民普通之稱。

〔賀陸軍〕總次長履新。主持師旅新秉樞機。論語加之以師旅。注云二千五百人

爲師。五百人爲旅。今陸軍亦仿古制定有師旅之稱。樞機樞戶樞機弩牙主要之物

此以比主要之機關也。

〔賀海軍〕

次總

長履新

制裁軍艦管領兵符

制裁制馭而裁抑之也

管領管理

而爲之領也。兵符古行軍所用。剖竹爲之。以調遣兵士者也。

〔賀農商〕

次總

長履新

生殖貨財。推崇策略。

中庸。貨財殖焉。殖興財生利也。

策

略。籌謀也。

〔賀司法〕

次總

長履新

情平五用。統率羣僚。

書經。天討有罪。五刑五用哉。

同官

爲僚羣僚。猶言百官也。

〔賀教育〕

次總

長履新

揆才得考。爲國儲才。

白居易授李德修膳部員外制。揆才

考策得補爲郎。揆度（音讀）也。儲蓄也。

〔賀督軍履新〕

威孚重鎮。謀仗陰符。

孚見信於人也。重鎮。執兵柄居重地也。杜

甫詩。重鎮還須濟世才。

隋經籍志。太公陰謀一卷。陰符鈴錄一卷。按陰符。兵書也。

〔賀省長履新〕

土守疆圻。望孚霖雨。

疆圻。疆界也。圻音奇。地方千里曰圻。此猶

言所守之地甚大也。

霖雨。大雨也。書經。若歲大旱。用汝作霖雨。

〔賀道尹履新〕

分轄關河。榮持旌節。

轄下。轄切。管也。唐書。太宗命御史十人。分

轄關內河南河東河北山南隴右淮南江西劍南嶺南等處。旌節。今使者所擁節鉞是也。周禮。道路用旌節。

〔賀縣知事履新〕 宓子琴彈。尹何錦製。呂氏春秋。宓子賤治單父。彈琴身不下堂。而單父治。左傳。子皮欲使尹何爲邑。子產曰。不可。猶未能操刀而使割也。其傷實多。子有美錦。不使人學製焉。

〔賀警察總監履新〕 威仰鷹揚。驚無彪吠。鷹揚。言威武奮揚如鷹也。庶彙詩。司隸鷹揚吏。詩經。無使彪也。吠。彪。多毛犬也。言閭閻安寧。無犬吠之驚狀也。

〔賀警察廳長履新〕 績課巡城。躬先率屬。後漢書。巡城校尉。掌雒陽城門十二所。司隸校尉。持節掌察舉百官以下及京師近部犯法者。率屬督率僚屬也。

〔賀平匪〕 雄師報捷。小醜成擒。報捷。報告戰勝也。小醜。小人之類也。擒。捉也。

〔賀公司成立〕 雄糾鉅款。大啓宏圖。雄厚也。糾集也。宏圖。遠大之圖謀也。韓

愈文。啓中興之宏圖。

〔賀大會成立〕 議集衆長。欣聞盛舉。衆長。羣衆之長處也。盛舉。盛大也。舉事

也。

〔賀著作刊行〕 學富三餘。才饒八斗。董遇言爲學當以三餘。謂冬者歲之餘。夜者日之餘。陰雨者晴之餘。見三國志注。徐寅句。閑賦宮詞八斗才。

比事屬辭。當行出色。禮記。比事屬辭。春秋教也。比事。舉事端以相比例也。屬辭。屬稿以成辭句也。當行出色。當行於時而出色也。

〔賀病愈〕 吉從天相。效奏春回。天相。左傳。石癸曰。姑。吉人也。姬媯偶。其子孫必蕃。又天方相晉。元曲云。吉人天相。蓋合二文爲一語也。相。去聲。助也。春回。醫者治病死而復生。猶天之由冬而回春也。

〔賀購屋〕 辛勤慰願。甲第貽謀。辛勤勞苦也。漢高帝紀。賜大第室。注云。有甲

乙次第。故曰第也。又詩經。貽厥孫謀。

買山有宅。近市堪居。買山。猶言歸隱也。世說。未聞巢由。買山而隱。又吳景奎詩。賴有青山圍故宅。近市。左傳。齊景公欲更晏子之宅。曰。子之宅近市。

〔賀置田〕 願慰歸山。耕欣負郭。杜甫詩。歸山買薄田。蘇秦曰。吾有負郭田二

頃，豈得佩六國相印耶。貢郭，背臨城郭之謂。

〔賀成別墅〕

輞川入畫金谷飛觴

輞川地名在陝西藍田縣輞谷川口。唐時王

摩詰有別業在焉。名輞川別墅。摩詰善畫，故云。

廣志石崇別業名金谷園。飛觴李白

桃李園序。飛羽觴而醉月。飛速舉也。觴角杯也。

〔賀女五十壽〕

祥符大衍悅展慈顏

易經大衍之數五十

稽含仇儷詩爾悅

慈姑顏展舒也。

〔賀女六十壽〕

閨幃序齒甲子平頭

閨幃猶閨闈也。女子所居之地。以幃圍之

也。中庸所以序齒也。齒年也。猶言以年紀爲次序也。

六十甲子。以天干與地支循環

相配。凡六十而一週。始於甲子。終於癸亥。平頭猶言齊頭也。凡計數逢十。今俗謂之齊

頭數。白居易詩云。便是平頭六十人。

〔賀女七十壽〕

人稱母範秩晉古稀

母範爲人母之模範也。猶母儀解。秩十

年也。晉進古稀杜甫詩。人生七十古來稀。

〔賀女八十壽〕

詩歌壽母慶媿真卿

詩經令妻壽母

唐書李希烈陷汝州盧

杞乃請遣顏真卿往。諭詔可。既見希烈時。使者皆坐脅真卿。真卿叱曰。吾年且八十。官太師。吾守節死而後已。豈受汝等脅耶。

〔賀女九十壽〕 年登耄耋。健冠裙釵。耄音帽。耋音迭。禮記。八十九曰耄。說文。年八十曰耄。冠去聲。居首之稱也。裙釵婦人之稱。今稱婦人爲裙釵。因此。

慰唁類

〔慰人父病〕 暫疎庭訓。易卜春回。孔子之子鯉趨而過庭。孔子教以學詩學禮。後人因以庭訓稱父。醫者治病。有妙手回春之術。

〔慰人母病〕 憂未忘萱。占當勿藥。詩經。焉得萱草。言樹之背背。北堂也。故俗稱母曰萱堂。萱草一名忘憂草。今言憂未忘萱。蓋反用以指母之有病也。易經。勿藥有喜。占卜也。言當卜得勿藥之爻而疾愈也。

〔慰人兄弟病〕 雁翼驚寒。蟻磨繫念。雁飛成行。音杭。今人故以雁行雁序比兄弟。王勃滕王閣序。雁陣驚寒。因借用驚寒二字以喻抱病。晉書。天圓如張蓋。地方如棋局。天旁轉如推磨。譬蟻行磨之上。今人以蟻磨喻思念之切。言如磨之旋轉不已。

也。

〔慰人姊病〕

臨池洗石拋繡慵梳。女士清瑤君詩。姊正臨池洗端石。慵懶也。

梳。梳妝也。拋棄繡工而懶於梳妝。言抱病之狀態也。

〔慰人妹病〕

數首稱賢捧心抱痛。數首亦作數手。說文。舜有妹名數首。莊子。

西子病心而頻顰。東施亦捧心而效其顰。持守勿失曰抱。身受苦楚而不能忍曰痛。

〔慰人妻病〕

熱須熨體。事減畫眉。世說。荀燦字奉倩。冬月婦病熱。乃出庭中自

取冷。還以身熨。漢書。張敞爲京兆尹。爲婦畫眉。

〔慰人妾病〕

殷勤桃葉瘦。損黃花。古今樂錄。王獻之愛妾名桃葉。瘦損。謂肌

肉減削也。蘇軾詩。輕寒瘦損一分肌。黃花菊也。李易安詞。人比黃花瘦。

〔慰人姪病〕

竹林小阮。橘井求醫。陳師道詩。從昔竹林須小阮。按竹林七賢。阮

籍及其姪咸與焉。時稱咸爲小阮。今書札中稱人之姪因曰小阮。仙鑑。蘇耽。桂陽人。

將仙去。謂母曰。明年當大疫。庭中井水。簷前橘樹。可以代養染病者。人食一橘葉。飲泉

水一杯。自愈。語已乘雲上昇。後果疫。治果愈。後人因以橘井稱醫者。

〔慰人子病〕

賢稱跨竈憂採抱薪。跨竈稱人有令子也。古今詩話。吳琮賀人生

子云。寄語王渾防跨竈。或云竈有釜。故子過於父曰跨竈。採薪。孟子。孟仲子對曰。昔

者有王命。有採薪之憂。不能造朝。今病小愈。趨造於朝。朝音潮。

〔慰人女病〕

婉孌。弱質。憔悴。傷神。婉孌。少（去聲）好貌。詩經。婉兮孌兮。季女斯

飢。憔悴。困苦也。國策。顏色憔悴。

〔慰人足疾〕

跬步。稱艱。踉懷。倍切。跬步。半步也。禮記。故君子跬步而不忘孝也。

踉懷。思念懇摯之謂。詩經。踉踉懷顧。

〔慰壓傷〕

遽。遭壓力深。受創痕。壓力。物件重量下壓之力也。創痕。傷也。漢書。

季布傳。今創痕未瘳。創讀若昌。

〔慰人戰事受傷〕

勇臨前敵。創被飛災。前敵。向前而當敵人也。創傷也。被受

也。飛災。意外之禍也。

〔慰人齒疾〕

輔車。隱痛。藥石旁求。左傳。諺所謂輔車相依。唇亡齒寒者。注云。輔

頰。輔車。牙車。按牙車者。牙下骨之名也。隱痛。隱約作痛也。藥。方藥也。石。砭石也。皆所

以治病者。左傳。臧孫之惡（去聲）我藥石也。旁求見書經。

〔慰人腕疾〕 支頤力弱。把臂思深。支頤以手託頤也。力弱必腕病矣。韓愈詩。暫

拳一手支頤臥。把臂交臂互持以示親密也。後漢書。臨別把臂言誓。

〔慰人腰疾〕 腰肢偶損。痛癢相關。腰肢。腰幹也。庾肩吾詩。本自細腰肢。痛癢

相關。係諺語。猶言疾痛之在己身也。

〔慰人心疾〕 因坐愁城。宜求心藥。愁城。愁苦之境也。張養浩詩。一退愁城萬里

降（平聲）。元人傳奇。有心病還從心上醫之語。今俗語謂心病還須心藥治。本此。

〔慰人失職〕 偶遭屈抑。致仕歸來。屈抑。爲人所挫折也。致仕。去官而退隱也。

公羊傳。退而致仕。陶淵明有歸去來詞。文爲歸隱時所作。

〔慰人賦閒〕 守株有待。建樹堪期。株守。卽守株。韓非子。宋人有耕田者。田中有

株。兔走觸株。折頸而死。因釋耒守株。覬復得兔。後人因以株守爲失事者之喻。建樹。

建成事業也。陳書。建樹賢戚。期望之謂。

懷叙類

〔懷遊西洋友人〕 歐風遠聽。梁月思深。 杜甫夢李白詩。落月滿屋梁。猶疑照顏色。

〔懷遊東洋友人〕 遊蹤三島。悵望重洋。 三島指日本而言。史記蓬萊方丈瀛洲。此三神山。在渤海中。重平聲。

〔懷華僑〕 汪洋海里。瞻望天涯。 汪洋水勢浩瀚也。海里海中之里數也。天涯極遠之地也。徐陵文。天涯藐藐。

〔懷師長〕 教違立雪。坐憶噓風。 朱子語錄。游楊二子。初見伊川。伊川瞑目而坐。二子侍。既覺。曰。尚在此乎。且休矣。出門。門外雪深三尺。 伊洛淵源。朱光庭見程明道先生於汝州。歸語人曰。在春風坐了一月。噓吹也。

〔懷同學〕 同時絃誦。忽隔關山。 絃誦鼓絃誦書之謂。 關爲入國境之要道。漢橫吹曲有名關山月者。樂府解題云。關山月。傷離別也。

〔懷同業〕 五都行賈。千里分蹤。 漢書王莽於五都立均官。更名雒陽。邯鄲。臨淄。宛城。都市。長爲五均司市司。今人因以五都稱市場。又史記宛孔氏。梁人也。秦伐魏。遷

孔氏於南陽。因大鼓鑄。連車騎。游諸侯。有游閑公子之名。致富千金。故南陽行賈。盡法孔氏之雍容。

〔懷舊同寅〕 寅、恭、舊、協、旅、夢、新、榮。書經。同寅協恭和衷哉。故今稱同官爲同寅。按寅者。敬畏之義。協合也。榮。旋繞也。

〔懷舊同事〕 久、共、晨、昏、遽、分、襟、袂。爾雅。衣皆謂之襟。卽交衽也。袂。袖也。羅鄴詩。折枝分襟十載餘。又白居易詩。分袂二年勞夢寐。

〔懷舊居停〕 頻、年、適、館、一、旦、歌、驪。頻年。常年也。適。至也。館。舍也。詩經。適子之館兮。歌驪。喻離別出門也。古驪駒歌。驪駒在路。僕夫整駕。

〔懷情妓〕 歌、舞、因、緣、風、塵、阻、隔。蘇軾贈朝雲詩。舞衫歌扇舊因緣。風起塵揚。皆行旅中之狀況。故以風塵比出行。杜甫詩。薄宦走風塵。

邀約類

〔約聽演說〕 妙、解、人、頤、待、勞、玉、趾。漢書。匡衡善說詩。解人頤。開口笑也。玉趾。稱頌人足之謂。國語。天王親舉玉趾。

〔約赴歡迎會〕 禮重。迎來。約期偕往。中庸送往迎來。期望也。

〔約赴追悼會〕 束獻生芻。誠申歌薤。生芻。乾草也。郭林宗有母憂。徐穉往弔。置生芻於廬前。取詩經生芻一束之意。誠。真實之心也。申。推而致之也。薤露。古挽歌。言人命如薤上之露。易晞滅也。今人每用歌薤。或用薤歌。蓋省文也。

〔約參觀製造品〕 發明有術。參考宜精。發明。謂使耳目一開明也。宋玉賦。發明耳目。

〔約參觀學校成績〕 效。徵。作育。富有。搜羅。作育。培植人才之謂。富有。豐盈也。論語。富有曰。苟美矣。搜羅。謂搜取而羅致之也。元史。搜羅中外才雋置其中。

〔約商量事端〕 久。欽。擘。畫。深。冀。踵。門。擘畫。謂爲之處分區畫也。淮南子。擘畫人事之終始也。踵門。親自至門也。孟子。踵門而告文公。

〔約估看物質〕 眼力。獨高。心期。倍切。目之功能曰眼力。劉禹錫詩。減書存眼力。心期。言此心所期望也。南史。向柳與顏竣友善。及竣貴。柳猶以素情不推先之。曰。我與士遜心期久矣。按士遜。顏竣之字。

餽遺類

〔贈帶〕 聊備腰圍。何堪指數。腰之周圍曰腰圍。陸游詩。瘦損腰圍擬未工。指數以指算其數目也。何堪指數。何能計其價值之意。言不足重輕也。

〔贈傢具〕 牘宜案積。風許屏當。案。几屬。官中文書曰案牘。唐書張九齡傳。今反求精於案牘而忽於人才。屏風亦傢具之屬。所以當風者。楚辭。紫莖屏風。

〔贈顧繡〕 絲慙金縷錦。遜紅雲。李白詩。翡翠黃金縷。繡成歌舞衣。博物要覽。宋錦名目。有紅雲霞鸞錦。

〔贈磁器〕 是名坵碎。確有斷紋。宋時。處州有張生者。兄弟皆以製窰著名。色青濃淡不一。亦有鐵足紫口者。兄所製較弟略白而斷紋多。名爲坵碎窰。後人之稱爲哥窰者。卽此窰也。

〔遠歸贈土儀〕 迢遞歸程。些須土產。迢遞。道路之綿邈長遠也。左思賦。曠瞻迢遞。些須。區區之數也。土產。本地所產之物品也。遼史。燕民以年豐。進土產珍異。

〔出門贈鄉品〕 故鄉風味。出品天生。故鄉家鄉也。史記。富貴不離故鄉。風味。萬

永之味也。劉峻文。南中橘甘。採之風味照座。出品所出之物品也。畫史。杭僧眞慧畫山水佛像。近世出品。惟翎毛墨竹。有江南氣象。

〔贈照片〕 廬山眞面異地同看。蘇軾詩。橫看成嶺側成峯。遠近高低各不同。不識廬山眞面目。只緣身在此山中。此係借用比照片中係自己眞面目也。

〔贈先人遺集〕 保存手澤就正方家。手澤指先人著作也。禮記。父沒而不能讀父之書。手澤存焉耳。就有道之人以正其是非也。論語。就有道而正焉。方家有名之大家也。莊子。吾長見笑於大方之家。

〔贈詩〕 贈類。拋甄乞爲點鐵。趙嘏至吳。常建以其有詩名。必遊靈巖寺。建先題二句。及嘏至寺。爲續成之。人謂建乃拋甄引玉。點鐵。喻改竄詩詞也。聞見錄。黃魯直稱杜老詩。爲靈丹一粒。點鐵成金。

薦舉類

〔答薦官吏〕 經綸久裕。拔擢宜先。經綸治絲之事。引其緒而分之爲經。比其類而合之爲綸。凡規畫政治。皆曰經綸。易經。君子以經綸。裕充足之謂。拔擢。謂登進也。

漢書蒙薦舉拔擢擢音濁

〔答薦教員〕

迎當倒屣聘定陳書

倒屣言急於迎賓也。三國志王粲傳。蔡邕

才學顯著。貴重朝廷。常賓客盈坐。聞粲在門。倒屣迎之。屣音徒履也。定預約之謂

爲定造定製之類。聘書。延師預訂期約之手續也。古人耳聞其賢而敬禮之。以幣帛

致意。亦曰聘。今惟對於延師則行之。有於聘書外。致陳贄敬。或程儀者。蓋以示周備

也。

〔答薦醫生〕

願從治療藉絕根株

療音料治病也

藉集夜切。借其力以相助

之謂。絕滅也。根株。凡物由以發生者爲根。木根曰株。又解。在土曰根。在土上曰株。此借

用以比病根也。

〔答薦店夥〕

友取必端責當專託

孟子。鄭人使子濯孺子侵衛。衛使庾公之斯

追之。子濯孺子曰。今日我病作。不可以執弓。問其僕曰。追我者誰也。其僕曰。庾公之斯

也。曰。吾生矣。庾公之斯。學射於尹公之他。尹公之他。學射於我。夫尹公之他。端人也。其

取友必端矣。分所應爲而必求其如是曰責。

〔答薦僕從〕 使隨臂指。願備紕綱。使隨臂指。言舉動便捷合意也。賈誼文。如身之使臂。臂之使指。莫不制從。紀綱僕從之稱。左傳。秦伯送衛於晉三千人。實紀綱之僕。

〔答薦學生〕 嚮學誠心。先期補額。嚮通作向。志意專對之方位曰向。先期最早之時期也。制定之數曰額。學校每班生徒。定爲若干人。曰學額。有欠缺而充滿之曰補。

〔答薦學徒〕 材堪練習。願竭裁成。晉書胡毋輔之傳。練習兵馬。卽學習之意。竭盡力也。裁成猶言成就也。裴度詩。初仰裁成德。

〔答薦旅館〕 所至如歸。行將小憩。賓至如歸。旅客蒞臨而如歸家之方便。無一事不合意也。語見左傳。行將且將之意。小憩暫時休息也。詩經。亦可小憩。字讀如契。起藝切。

懇託類

〔懇託調停意見〕 雙方意向。百計融和。意向。意思之所向也。南史。要是意向如

此。百計猶言種種之方法也。朱子語錄。千方百計去趕捉他。融。余雄切。通也。

〔懇託轉圜地位〕 基。臻。鞏。固。力。仗。幹。旋。 基。建築事業之地步也。臻。至也。鞏。音拱。

鞏。固。堅。穩。也。 仗。憑倚也。幹。讀若挖。幹。旋。轉圜之義。蘇轍文。一二卿士。代天幹旋。

〔懇託蟬聯位置〕 棲。枝。稱。穩。重。荷。揚。清。 棲。枝。猶言得一席之地也。李義府詩。上林

無限好。不作一枝棲。 承人之惠曰荷。如拜荷感荷之類。字讀去聲。核我切。揚。清。激。濁。

蕩。去。滓。穢。義也。見尸子。後人因用爲除惡舉善之義。

〔懇託從旁吹噓〕 無。意。春。風。有。如。甘。雨。 春風能生長萬物。故凡對人爲和煦之

詞。及代人稱揚汲引者。俗謂之口角春風。無意者。指非有心專薦。係從旁吹噓也。 甘

雨。及時之雨也。大旱得雨。謂之甘雨。詩經。以祈甘雨。

〔懇託留意人物〕 平。時。物。色。普。及。羣。倫。 平時猶俗言平常時候也。物。色。察訪人

物之稱。後漢書。嚴光傳。帝思其賢。乃令以物色求之。 普。及。徧。及。也。羣。倫。羣。輩。也。倫。類

也。

請人類

〔請人存款〕 偏勞儲蓄深感籌謀。偏勞側重一面曰偏。用力甚曰勞。儲蓄存聚也。今銀行有儲蓄名稱。卽任人自便存款之意。料量計畫曰籌。先事籌度（音讀）曰謀。〔請人助捐〕 先呈捐冊。仗解囊金。古書皆卷。而唐始有葉子。今稱書冊。見后山叢談。按書一本謂之冊。（音策）解囊金脫囊而出以金錢也。有底曰囊。

〔請人探聽消息〕 先能得月定慰下風。先能得月比消息靈通也。宋范仲淹知杭州。蘇麟爲巡檢。城中兵官往往皆獲薦書。獨麟在邑外未見收錄。會因事入府。獻詩曰。近水樓臺先得月。向陽花木易爲春。仲淹薦之。下風在風之下向者。曰下風。左傳。皇天后土實聞君之言。羣臣敢在下風。

〔請人補助學費〕 借助西江藉資東渡。西江莊周家貧。貸粟於監河侯。監河侯曰。我將得邑金以貸子。周忿曰。周昨來。有中道呼者。顧視車轍中有鱗魚。曰。君豈有升斗之水活我乎。周曰。諾。我且南遊吳越。激西江水而迎子可乎。今人遂以西江爲濟人困窮之喻。東渡比渡東洋留學也。

〔請人代致家書〕 萬金抵價重費清神。杜甫詩。家書抵萬金。比其珍重也。耗

損曰費。精神清明之精神也。

〔請人調查〕

素廣交遊。偏勞察訪。

交遊謂所與往來之朋友也。禮記交遊稱其

信也。偏勞見上請人存款注。反覆詳審曰察。探視曰訪。

〔請人蒞會〕

望深秋。欣挹光風。

日光流盼如水波之澄清。故袁桷詩中有望

幸眸凝秋水之句。挹引也。光風比人品也。宋史周敦頤傳。黃庭堅稱其品甚高。胸懷灑

落如光風霽月。

〔請人改文〕

名重文豪。心推意匠。

文豪謂能文者。宋楊大年作文揮毫如飛。頃

刻數千言。真一代之文豪。見歸田錄。

意匠謂作文之遺辭命意。若匠氏之構思也。楊

炯王勃集序。並心推於意匠。

〔請人作序〕

敬資手筆。列作弁詞。

資託也。手筆謂制作文字也。陸雲文。今送君

苗登臺賦。爲佳手筆。

列者。排比多數之次第也。序爲冠(去聲)首之文。故稱爲弁首。

弁(音下)冠名冠以加首。故以之名序。

〔請人題跋〕

橫掃千軍。跋資後殿。

杜甫詩。筆陣橫掃千人軍。資字解見上聯。

軍退居後者曰殿。(底宴切)書於文字之後者曰題跋。因稱以後殿。

作伐類

〔懇爲弟作伐〕才愧、恚連、媒、煩、月、老。謝靈運從弟惠連，頗爲靈運所歎賞。月老，媒也。唐時，韋固旅次宋南城店，有老人向月檢書，固問何言，曰：天下之婚牘耳。後人因以月老爲作伐者之稱。

〔懇爲姊作伐〕惠芳、比、長、媒、氏、憑、君。左思嬌女詩：其姊字惠芳，兩目粲如畫。長(去聲)，成人曰長。媒氏(官名)，周禮地官之屬，掌媒合男女之事。

〔懇爲妹作伐〕弱妹、及、笄、憑、君、選、壻。年少曰弱。及笄，謂已屆加笄之年也。禮記：女子十有五年而笄，選擇也。

〔懇爲姪作伐〕偷、憐、小、阮、爲、任、憲、修、憐、愛也。按竹林七賢，阮籍及其姪咸皆與焉。時人稱咸爲小阮。後世因於書札中稱人之姪曰小阮。楚詞：吾令憲修以爲理。注云：憲修，伏羲臣，媒也。

〔懇爲姪女作伐〕誼、關、兄、子、任、託、冰、人。有情義相結者曰誼。兄之子爲姪女。

晉書。索統善占夢。令狐策夢立冰上。與冰下人語。統曰。冰上爲陽。冰下爲陰。陰陽事也。君在冰上。與冰下人語。媒介事也。後世因稱媒曰冰人。

〔懇爲學生作伐〕久列門牆。用煩媒妁。論語。子貢言夫子之牆數仞。不得其門而入。後人因稱師門曰門牆。媒妁。婚姻之介紹人也。媒爲謀合二姓。妁謂斟酌二姓名異而實同也。孟子。媒妁之言。

〔懇爲世姪作伐〕累世通家。允稱快壻。累。層累而積之意。累世相友善者謂之通家。後漢書孔融傳。十歲。造李膺門曰。我是李君之通家子弟。允。肯也。猶言應許。快。稱心也。快壻。見北史。後魏郭瑀有女。妙選良壻。謂弟子曰。吾有女。欲覓一快壻。

〔擬置妾懇作伐〕擬效天游。惜無駙馬。麗情集。詹天游屬意宋駙馬家粉兒。口占曰。白藕香中見西子。玉梅花下遇昭君。不曾真個也銷魂。宋因以粉兒與之曰。請天游真個銷魂也。

置產類

〔託說讓產價〕價惜居奇。乞持減政。居奇。視爲奇貨而居之。以待價也。史記。其

奇貨可居也。今人通稱價貴者爲居奇。行政上以裁簡不急之務爲宗旨者。謂之減政主義。今稱核減錢財之事。每有用此。

〔託過戶〕 名更物主。呈向公庭。不動產之賣買贈與。凡過戶時。應申明更換物主姓名。向該管縣署註冊備案。公庭卽公堂也。

〔託勘方向界址〕 區分四至。倚仗一行。區別也。凡買置不動產。其界址分東西南北。契約上須載明。東自某處起。至某處止。西南北三方亦然。名爲四至。倚仗。憑藉也。一行。見晉書。一行作吏。

〔託收租米〕 佃處不力。租盼頻催。佃代耕農也。五代史。周行逢世家。性勇敢。果於殺戮。夫人嚴氏諫。行逢怒曰。婦人何知。嚴氏不悅。給曰。家田佃戶。以公貴。頗不力農。請往視。至則營居以老。歲時衣青裙。押佃戶送租入城。宋史。黃州潘大臨工詩。答謝無逸書曰。秋來景物。件件是佳句。昨日閒臥。聞攪林風雨聲。欣然起。題壁曰。滿城風雨近重陽。忽催租人至。遂敗興。止此一句。

〔託立界碑〕 表道有資。分疆自易。國語單子知陳必亡篇。列樹以表道。表道者。

立表記以表明道里也。疆界也。易去聲。容易也。

〔託繳契稅〕 請頒契尾乞墊稅金。買賣田房文契。按價納稅。謂之稅契。投稅時。

官給印紙。備書業戶姓名產業數目等。黏於文契之尾。以爲已經納稅之證。謂之契尾。

代人付款曰墊（音店）。

〔託代付契價〕 產當交割。款乞墊償。產產業交割。此與而彼受之。兩方面即斷。

絕關係之謂。東坡尺牘。窮人之具。輒欲交割與公。墊字解見上條。還所值曰償。

贊助類

〔懇贊助立學〕 進行學務。仗助基金。憑藉曰仗。基金。卽基本金。凡事創辦之資。

通稱此。

〔懇贊助保護同鄉〕 誼共梓桑。乞同保障。桑梓。比同鄉也。詩經。維桑與梓。必恭。

敬止。保障。所恃以爲保護障蔽者。左傳。成孟氏之保障也。無成。是無孟氏也。

〔懇贊助建築會館〕 萍水留蹤。梓桑感誼。萍水。喻偶然相遇也。王勃。滕王閣。

序。萍水相逢。盡是他鄉之客。留蹤。言勾留蹤跡於會館也。梓桑。解見上條。感誼。感贊。

助之情誼也。

〔懇贊助以工代賑〕 鴻、噉、惠、遍、鳩、集、工、成。鴻、噉、喻災民之求食也。詩經：鴻雁于

飛，哀鳴嗷嗷，遍普及也。鳩、集，猶聚集也。北史：鳩集諸經。

〔懇贊助捐立義塚〕 感動仁心，恩施暴骨。愛而無私者謂之仁。暴，音曝，暴骨

死於原野，暴露其骨也。左傳：暴骨以逞。

〔懇贊助修橋〕 惠、比、乘、輿、功、成、普、渡。孟子：子產以其乘輿濟人於溱洧。慈航

普渡，佛家語，謂佛以慈悲之心，渡人使脫離苦海，得登彼岸，猶舟航之濟衆也。

〔懇贊助設立醫院〕 養痾得所，拜德無涯。養痾，調養病症也。得所，謂得其適宜

之處置也。後漢書：獄無繫囚，人自以得所。先以兩手下拱至地，乃以頭頓至手曰拜。

無涯，猶言無窮盡也。莊子：吾生也有涯，而知也無涯。

襄理類

〔懇襄理開校〕 旁、參、校、務、深、仗、賢、勞。參，相助也。憑藉曰仗。賢勞，見孟子：此莫

非王事。我獨賢勞也。趙岐注：何爲獨使我以賢才而勞苦也。今人引伸之，用作賢者多

勞之意。

〔懇襄理放賑〕 救濟孔殷。贊襄是賴。孔甚也。殷盛也。盛有多字大字之義。贊

襄贊助也。襄成也。謂贊助其成也。書經思日贊贊襄哉。

〔懇襄理演說會〕 會開演說。序仗維持。序秩序也。維持謂維繫挈持之。使事不

至於敗壞也。干寶晉紀總論。賴道德典刑以維持之。

〔懇襄理運動會〕 賽誇體育。助借躬臨。運動會集多數人爲體育之比賽也。

躬臨親身蒞止也。

〔懇襄理校刊〕 預防仗杜爲助校讎。張騫朝野僉載。李林甫無學術。時選人嚴

適判語。有仗杜二字。林甫不識。謂韋陟曰。此云仗杜何也。校讎校對書籍摘舉其誤

也。韓愈詩。校讎天祿閣。

〔懇襄理店務〕 市闢居塵。籌思借箸。塵市宅也。借箸史記。臣請藉前箸爲大

王籌之。

辯誣類

〔懇辨誣案〕 冤如盆覆。力待籌謀。覆盆抱朴子。是責三光不照。覆盆之內也。今人謂誣案沉冤之莫白者曰覆盆。以爲被覆於盆內。黑暗之甚也。計畫曰籌。先事籌度曰謀。

〔懇辨讒言〕 受譖浸潤。仗剖毫厘。譖。讒言也。論語。浸潤之譖。比讒言以漸而進。猶之水浸物以漸而濕。使人不覺也。毫厘。最細小之數。言懇人辨白。無毫厘之含混也。

〔懇辨牽連〕 罪被株連。事求圓轉。株連。謂以一人之罪而牽及多人。猶伐木者之根株相連也。宋史。諸葛公權之亂。郡縣株蔓連逮至數百千人。圓轉。謂挽回其事也。漢書。高祖從諫如轉圓。

〔懇辨嫌疑〕 誤被猜嫌。深資剖析。俗謂揣測曰猜。剖析。猶言解決。南史。姚察傳。劉臻於公館訪漢書十餘條。並爲剖析。

息訟類

〔懇息欵項訟事〕 斃因錢債。和仗鹽梅。斃。去聲。喜印切。瑕隙也。民刑律。凡欠

債索取均謂之錢債案件。

鹽梅，鹽鹹梅酸，皆所以和羹也。書經：若作和羹，爾惟鹽梅。

故用以喻調和訟事。

〔懇息房產訟事〕

爭涉巢居，願從鈴解。

事相關連曰涉。巢居，借用以喻房屋也。

詩經：惟鵲有巢，惟鳩居之。

鈴解，借以比訟事如繫鈴之解脫也。指月錄：法眼問衆，虎

項金鈴，是誰解得。

〔懇息出版訟事〕

文非己出，判聽公評。

文非己出，是抄襲他人之稿也。分別

其事之是非曲直曰判，故斷決獄訟亦曰判。公評，公共之評論也。

〔懇息田地訟事〕

願從讓畔，乞解禁絲。讓畔，畔，田界也。古時仁德之君，民受其

化，耕者讓畔。黃帝、舜、文王時，皆有之。禁絲，音汾，亂也。左傳：猶治絲而禁之也。

〔懇息婚姻訟事〕

折仗片言，婚諧二姓。折，猶決斷之斷。仗，憑藉也。論語：子曰：片

言可以折獄者，其由也與。片言，半言也。謀合二姓以成婚媾者，謂之媒。

〔懇息承繼訟事〕

貽厥孫謀，憑將公道。遺傳曰貽。詩經：貽厥孫謀，言謀及其孫

也。公道，至公之道也。文字人欲釋而公道行。

說項類

〔懇說項政界事〕 妄思干祿。尙冀先容。干求也。祿仕者之俸也。論語子張學干祿。冀欲也。先容見鄒陽文。蟠木根柢輪囷離奇而爲萬乘器者何則以左右先爲之容也。今俗稱介紹揄揚爲先容者本此。

〔懇說項軍界事〕 經武無方。噓春有請。經武經營武事他左傳子姑整軍而經武乎。噓春凡出氣急曰吹。緩曰噓。吹氣寒。噓氣溫。故曰噓春。猶言春風之噓也。代人稱揚汲引者俗謂之口角春風。有請有所請求也。

〔懇說項警界事〕 願備巡邏。乞爲汲引。巡邏隊卽警務隊之稱。汲引引進之意。漢書禹稷與皋陶互相汲引不爲比周。

〔懇說項學界事〕 敢詡師資。願言小試。詡音煦。大言也。穀梁傳疏師者教人以及不及。故謂師爲師資也。小試謂小試其端也。吳王謂孫武曰子之十三篇吾盡觀之矣。可以小試勒兵乎。

〔懇說項商界事〕 億中才疎。謀生計拙。億意度（音讀）也。億中（去聲）言料事

多中也。論語賜不受命而貨殖焉。億則屢中。謀生。圖謀生計也。楊萬里詩。萬方口業。拙謀生。拙者。巧之對。

挽留類

〔懇挽留駐洋公使〕惠普華僑願留棠蔭。普徧及也。凡中華人旅居於他國者。曰華僑。棠蔭。謂居官之地。有蔭庇於人民也。昔召伯循行南國。舍於甘棠之下。後人愛其樹而不忍翦伐。棠蔭之義本此。

〔懇挽留長官〕澤頌來蘇情殷借寇。稱仰人美曰頌。來蘇。書經。僕我后。後來其蘇。蘇更生也。言後來則人民得更生也。借寇。漢老武帝以寇恂爲潁川太守。將去。吏民留之。言願從陛下借寇君一年。見後漢書。

〔懇挽留公司總理〕董率有方攀留彌切。董督也。正也。率領也。有方。有方法也。攀留。挽留也。六帖。百姓攀轅臥轍。願留期年。

〔懇挽留商店經理〕情愜同人願留久駐。愜。音篋。稱心也。同人。易經卦名。離下乾上。今人稱同事者曰同人。此言經理平日皆同人所稱心也。凡停留皆曰駐。

〔懇挽留校董〕 董成校務乞挽行蹤。董成言督正以成其事也。左傳隨人使少

師董成。挽用力引之。已去者使復返也。

〔懇挽留校長〕 深資領袖冀挽輪蹄。資用也。衣之提挈必在領袖。故以比人之

能提挈其下者。冀欲也。挽字解見上條。輪蹄車輪馬蹄也。杜牧詩相續輪蹄似水流。

〔懇挽留教員〕 留裁狂簡倍切欽遲。裁狂簡借用以喻教員也。論語吾黨之小

子狂簡不知所以裁之。裁割正也。狂簡志大而略於事者也。欽遲敬仰之意。語林許

元度將弟出都婚。諸人聞是元度弟甚欽遲之。

家事類

〔懇修理房屋〕 未雨綢繆臨風付託。詩經迨天之未陰雨。徹彼桑土。綢繆牖戶。

綢繆繹綿綿補葺也。詩言鳥之爲巢如此。因借用以爲修屋之喻。付託以事交付而

囑託之也。

〔懇延聘西席〕 督課家庭承情道地。家塾延師稱爲西席。故曰督課家庭。道

地爲之稱說而預爲地步也。

〔懇僮僕役〕 敢煩紹介俾便傳呼。紹介爲人引進也。國策勝（平原君名）請爲紹介而見之於將軍。使人傳命曰傳。又左傳江芊怒曰呼。役夫故傳僕役曰呼。

〔懇促租戶出屋〕 勒令遷移。全權委託。勒馬絡頭也。有嚼口者曰勒。令使也。勒令。今公文常用之。有強迫遵令之意。如御馭者用勒令其就意也。全權謂有完全之權力也。委託以責任囑託也。

答謝慶賀類

〔謝賀升遷〕 謬邀晉秩。倖荷榮褒。謬妄也。邀有叨受之意。晉進也。官職之品級曰秩。晉秩得進一級也。非本分而得者曰倖。承惠曰荷。（去聲）榮褒。榮譽之褒獎也。

〔謝賀蒞任〕 下車伊始。賀柬相將。下車稱官吏初到任也。禮記。武王克殷。反商。未及下車而封黃帝之後于薊。伊始。方始也。今人稱信札及名刺皆曰柬。相將。相傳也。

〔謝賀平匪〕

幸殲醜類。愧荷揄揚。

殲。音尖。盡殺之也。醜類。惡類也。左傳。醜類惡。

物。承人之惠曰荷（音賀）揄揚稱譽之也。班固賦。雍容揄揚。著於後嗣。

〔謝賀畢業〕 學慚躓等。寵錫成章。慚與慙同。羞媿也。躓等不循次序。越級而進

之謂。言雖稱畢業。實按之次序。已越級而進也。寵尊榮也。錫賜也。成章。比所賀之函。皆成文章也。孟子。不成章不達。

〔謝賀當選議員〕 選參末議。榮賜嘉言。參。干與之謂。末議。言所議僅微末之意

見也。榮者辱之對。有聲聞名譽也。在我上者所予（音與）曰賜。嘉言美言也。書經。聖謨洋洋。嘉言孔彰。

〔謝賀病愈〕 命邀天佑。慶溢朋從。命謂生命。邀有叨受之意。天佑。天之保佑也。

詩經。受祿于天。保佑命之。慶賀也。器滿加於內曰益。出於外曰溢。朋從。同類相從也。詩經。朋從爾思。

〔謝賀遷居〕 蝸居稱窄。燕賀增慚。蝸居。形容住屋之極小也。蝸牛一名蝸。蝸軟

體動物之有肺者。外殼扁圓。無鱗體柔軟。平時全縮入殼中。行則伸出頭有觸角四。其二較長。尖端有眼。頭側有小孔。內爲肺囊。以通呼吸。又魏略。焦先自作一瓜牛廬。注云

瓜當作蝸。先作圓舍。形爲蝸牛殼。故稱此窄狹也。燕賀淮南子。大廈成而燕雀來賀。

〔謝賀置屋〕 小築經營盛儀稠疊。小築謂室小也。詞苑叢談。賀方回。本山陰人。

徙居於姑蘇之醋坊橋。有小築在橫塘。嘗往來其間。經營猶言建築也。詩經。經始靈臺。

經之營之。盛多也。茂也。俗稱餽贈之物曰儀。稠疊極言其多數也。

〔謝賀祖父壽〕 歡承祖德。寵荷親臨。承受也。祖德。祖父之遺德也。晉書。謝元子。

瓌。瓌子靈運。瓌少不慧。而靈運文藻豔逸。元嘗稱曰。我乃生瓌。瓌那得不生靈運。後靈。

運作述祖德詩。尊榮曰寵。承人惠曰荷。親臨。親自臨賀也。

〔謝賀祖母壽〕 含飴添算。拜賜多嘉。飴。餈之屬。今亦謂之糖漿。含飴言年老白。

求恬適也。後漢書。馬太后詔曰。吾但當含飴弄孫。不能復關政矣。添算。添壽算也。拜。

嘉。左傳。鹿鳴。君所以嘉寡君也。敢不拜嘉。注云。嘉善也。善卽美之謂。

〔謝賀父壽〕 趨庭上壽。枉駕言勞。疾行曰趨。庭者。堂階前也。論語。嘗獨立。經趨。

而過庭。曰學詩乎。上壽。謂致祝也。史記。奉觴上壽。枉駕。謂屈尊以候人也。三國志。徐。

庶謂先主曰。諸葛孔明臥龍也。此人可就見。而不可屈致。將軍宜枉駕顧之。

〔謝賀母壽〕 觴進慈闈儀。頒遠道。觴酒卮之總名。稱母曰慈。內室曰闈。儀餽

贈之物也。頒在上者之所賜也。道路也。

〔謝賀娶妻〕 命遵授室。寵賜多珍。命指父命而言。俗凡娶妻均由父出名具束

上書為某某授室字樣。凡依事理而率行者謂之遵。授室見禮記。舅姑降自西階。婦降

自阼階。授之室也。按授者付也。夫以婦為室。故今娶妻通曰授室。

〔謝賀納寵〕 渡迎桃葉鏡。賜菱花。古今樂錄。晉王獻之有愛妾名桃葉。其妹曰

桃根。獻之嘗臨渡。作歌以送迎之。後人因名渡曰桃葉。在金陵秦淮河沿。菱花鏡名。

見趙飛燕外傳。婕妤上七尺菱花鏡一奩。

答謝慰唁類

〔謝唁父喪〕 陟帖興悲。馳郵賜唁。陟帖。今人用以喻喪父之稱。陟登也。爾雅云。

山多草木曰帖。音戶。詩經。陟彼帖兮。瞻望父兮。興起也。有聲而無淚者曰悲。言淚已

哭乾也。馳車馬疾驅之意。郵傳遞信件之機關。馳郵猶快信也。上所予曰賜。弔生者

曰唁。

〔謝唁喪母〕 讖成泣杖。吊置束芻。讖差譖切。所言爲將來得失之兆也。泣杖。見說苑。韓伯瑜有過。其母笞之泣。母曰。他日未嘗泣。今泣何也。對曰。瑜他日得罪。笞嘗痛。今母之力不能使痛。是以泣也。此言成讖者。形容喪母之謂。芻。傷也。慙也。令人於喪事。家具衣冠而往拜。通稱曰弔。置安放也。芻。乾草也。此以比所送喪儀也。郭林宗有母憂。徐穉往弔。置生芻於廬前。取詩經生芻一束之義。比死者之有清德也。

〔謝唁喪偶〕 詩賦悼亡。禮隆致唁。作詩曰賦詩。晉潘岳妻死。有悼亡詩三首。爲世人所傳誦。故今稱喪妻曰悼亡。悼。音道。憐惜也。稱並輩之死者曰亡。隆。厚也。致。傳也。謂傳以唁函也。

〔謝唁喪兄弟〕 鶴原抱痛。鶴弔稱哀。鶴。卽鶴鴒鳥。詩經作脊令。高平之地曰原。詩經。脊令在原。兄弟急難。言兄弟相恤。如鶴鴒之且飛且鳴也。後因以鶴原二字爲兄弟之喻。持守勿守曰抱痛。身有所苦楚而不能忍也。言因兄弟喪而已身有苦楚也。鶴弔。稱人來弔之詞。丁令威。漢遼東人。學道於靈虛山。後化鶴歸還。集華表柱云。有鳥有鳥。丁令威。去家千年。今始歸。城郭如故。人民非。何不學仙塚纍纍。此皆弔生者之語。

鶴弔二字本此。

〔謝慰喪妾〕

朝雲誦偈。遠驛傳書。蘇集。余家有數妾。四五六相繼辭去。獨朝雲

隨余南遷。其卒也。誦金剛經六如偈而卒。按讀之而有音節者曰誦。佛家所唱詞句謂之偈。偈音傑。舊時傳達文書之。所曰驛。後人因以寄信處亦稱曰驛。書尺素書信也。

〔謝慰喪子〕

璋音忽。斷玉碎承憐。半圭曰璋。爲瑞信之物也。詩經。乃生男子。載

寢之牀。載弄之璋。此言音忽斷。以喻喪子也。玉碎言雖死而可貴也。見南史。王僧達免官後。顏師伯詣之。僧達慨然曰。大丈夫寧當玉碎。安可以沒沒求活。承憐。承蒙憐惜也。

〔謝慰喪女〕

慰情失望。存問傳書。陶潛詩。弱女雖非男。慰情良勝無。慰安也。性

之動爲情。欲慰情而失我所望。以比喪女也。現在者曰存問。訊也。因其在而相訊也。故遣使往候。曰存問。史記。客去。孟嘗君已使使存問。獻遺其親戚。轉授曰傳。傳書。轉授書信也。

〔謝慰失慎〕

猝被焚如多情書至。猝轟忽切。忽然之義。身所受曰被。易經。突如其

其來如焚。如今人謂火災爲焚如。本此。多情謂情之所鍾愛也。溫庭筠詩：王孫莫學多情種。自古多情損少年。此言因多情而以書來相慰也。

〔謝慰被竊〕 幸、贖、氈、青、慰、承、尺、素、贍、食、應、切、去、聲、俗、通、作、剩、謂、所、留、餘、者、也、蹂、毛、成、片、曰、毳、子、亦、作、氈、言、被、竊、而、但、餘、不、值、價、之、物、也、世、說、王、子、敬、夜、臥、齋、中、羣、偷、入、其、室、盜、物、都、盡、王、徐、曰、偷、兒、青、氈、爲、吾、家、舊、物、可、特、置、之、承、受、也、尺、素、以、一、尺、縑、素、作、成、之、信、也、生、絹、潔、白、者、曰、素、古、書、翰、書、於、縑、素、故、云、古、詩、客、從、遠、方、來、遺、我、雙、鯉、魚、呼、僮、烹、鯉、魚、中、有、尺、素、書、

〔謝慰被盜〕 強、徒、逞、暴、舊、友、鳴、冤、強、徒、喻、強、盜、也、逞、暴、快、心、行、其、酷、虐、也、鳴、冤、作、不、平、之、鳴、而、以、爲、冤、枉、也、

〔謝慰被水〕 滔、天、肆、虐、慰、我、貽、書、滔、水、漫、漫、大、貌、滔、天、滿、天、也、書、經、洪、水、滔、天、肆、極、也、虐、苛、酷、殘、暴、也、比、洪、水、如、人、之、極、苛、酷、殘、暴、也、貽、贈、遺、也、書、信、札、也、

〔謝慰失職〕 宦、游、自、誤、公、論、不、平、宦、音、患、仕、也、宦、游、謂、出、而、求、仕、也、史、記、司、馬、相、如、傳、長、卿、久、宦、游、自、誤、自、己、錯、誤、也、公、論、公、正、之、評、論、也、不、平、不、悅、也、按、韓、愈、文、

大凡物不其平則鳴。今人因謂枉屈不悅之事爲不平。

〔謝慰考試被黜〕 自慚落第致慰偏殷。慙羞媿也。俗稱考試而不中式者曰落第。交與之曰致致慰。交與相慰之書函也。殷殷勤。今人省文。每多單用殷字。

〔謝慰失業〕 悵賦閒居承詢近狀。失意曰悵賦。文體之一種。今稱人失業無事曰閒居。潘岳有閒居賦。蓋借用此二字耳。承詢承受其人之詢問也。近狀近來之狀況也。

答謝問候類

〔謝在西洋友人問候〕 重洋洄洑遠賜音書。重平聲。復疊也。如幾重數重之

類。水之大者曰洋。故今人稱海爲洋。洄洑水盤旋也。宋史洄洑激射。歲敗公私船不可勝數。音書信也。宋之問詩。嶺外音書斷。

〔謝在東洋友人問候〕 心如望歲信寄談瀛。望歲言如望年穀之豐登也。左傳國人望君爲望歲焉。此以比友人相望之切也。談瀛比所談者爲瀛洲風景也。李白詩海客談瀛洲。按瀛洲東海中神山也。史記徐市言海中有三神山。名曰蓬萊。方丈。

瀛洲

〔謝舊同官問候〕

昔年寅誼。下問行蹤。

書經同寅協恭和衷哉。寅敬畏之義。言

人臣同其敬畏也。故稱同官之交誼曰寅誼。情意相固結曰誼。下問。以上問下之謂。

論語。不恥下問。足跡曰蹤。行蹤。出門之蹤跡也。

〔謝同學問候〕

誼親同。硯書惜分襟。

誼見上條。親愛也。俗稱同學曰同硯。言同

筆硯也。初學記。漢宣帝徵時。與張彭祖同硯席。書指信札分襟。謂離別也。羅鄴詩。折

枝分襟十載餘。

〔謝舊同事問候〕

共事經年。貽書惜別。

共同辦事曰共事。經年。歷有歲年也。

貽贈遺也。信札曰書。惜痛也。惜別。以離別爲痛也。

〔謝舊居停問候〕

誼想依劉。函來憶李。

誼字解。見上二條。依劉。比相依爲主人

也。王粲三國魏高平人。字仲宣。避亂依劉表於荊州。函。書信也。杜甫平時憶李白詩。

最多。爲渭北春天樹。江東日暮雲等句皆是。

〔謝同鄉問候〕

梓誼關懷。華賤惠賜。

梓誼。猶言鄉誼也。詩經維桑與梓。必恭敬

止。後人因用梓桑爲鄉里之稱。關者。本所以閉門之具。門無關不克。有密切連帶之關係。後人引申之。其軍用關字處。如關心關懷。亦含有此意。懷。思念也。華。有光輝之箋也。用以作爲書翰。故信札亦曰箋。

〔謝親戚問候〕 葭。葭。遠隔。魚雁。音傳。葭。葭。喻親戚也。按葭。葭。本爲蘆中薄膜。言其至薄也。後人稱至薄之親戚曰葭。葭。說本漢書。今羣臣非有葭。葭。之親。魚雁。比書信也。魚。卽魚書。雁。卽雁信。魚書見答謝慰唁類之謝慰被竊條。雁信。漢蘇武使匈奴不屈。徙居北海上。牧羝。後匈奴與漢和親。漢求武等。匈奴詭言武死。常惠教漢使者謂單于。言天子射上林中。得雁。足有繫帛書。言武等在某澤中。見漢書本傳。

答謝邀約類

〔謝邀遊山〕 造極登峯。承君約我。造極登峯。比登極高之山也。造。次奧切。音造。至也。極。南北極也。地球依一定軸自轉。其兩端各距赤道九十度之處。互有不動。爲南北極。指於天空。山之直上而銳者曰峯。

〔謝邀遊湖〕 約將載酒遊處。停橈。舟運物曰載。停。中止也。爲停留停泊意。橈。尼

着切平聲。楫也。陳子昂詩。停橈問土風。

〔謝邀賞花〕 看花有癖。折簡多情。

劉禹錫詩。無人不道看花回。嗜好之病曰癖。

字音僻。言性喜看花也。折簡。猶言裁紙爲書也。古人以竹簡作書。故云。按簡者。牒也。

晉書。公常折簡召凌。何苦自來耶。凌指王凌。鐘愛之曰多情。

〔謝邀觀劇〕

場登粉黛。簡寫琅玕。

因事而聚多人之處曰場。顏料之白色者曰

粉黛。畫眉之粧飾也。青綠色。粉黛。粉白黛綠也。借此以喻演劇者之稱。韓愈文。粉白黛

綠者。列屋而閒居。琅玕。石而似玉者。比紙之潔白也。簡字見上條。酉陽雜俎。奕勝。獲

琅玕紙十幅。

〔謝邀品茗〕

龍團。味勝鶯谷。書來。

龍團。茶名。宋丁謂爲福建轉運使。始製龍團。

歲貢者。不過數十餅。當時甚貴重之。見畫墁錄。凡物之極優美者曰勝。鶯谷。喻友人

所居之地也。凡深山之穴。謂之谷。詩經。伐木丁丁。鳥鳴嚶嚶。出自幽谷。遷于喬木。鳥係

指鶯而言。又羅鄴詩。花迎綵服離鶯谷。

〔謝邀花酒〕

綺筵。戰拇。末座。邀陪。

今俗稱妓寮筵席曰綺筵。按文繪曰綺。蓋極

言其華麗也。戰搏猶俗言搏拳。宴飲時兩人伸指共計。和口所呼之數以決勝負也。手足大指皆曰拇。末座座次之最末者。章碣詩小儒末座頻傾目。邀招也。相伴曰陪。此爲自謙之詞。言不敢當上座也。

〔謝邀飲〕 杏村不遠。遽使相催。杏村比酒樓也。杜牧詩。借問酒家何處有。牧童遙指杏花村。遽使謙稱他人之使者也。論語。蘧伯玉使人於孔子。孔子與之坐而問焉。曰。夫子何爲對。曰。夫子欲寡其過而未能也。孔子賢之。後人因沿用之。

答謝餽遺類

〔謝贈土產〕 土宜清品。郵遞多珍。土宜土產之物也。清品純潔之物品也。今人稱代人寄送書信曰土郵。順次相及曰遞。物之寶貴者曰珍。食之美者亦曰珍。

〔謝贈書〕 瑯嬛割愛。屋漏增輝。瑯音瓊。瑯嬛稱人藏書之地。瑯嬛記。張華遊於洞宮。遇一人引至一處。別是天地。每室各有奇書。華歷視諸室書。皆漢以前事。多所未聞者。問其地曰。瑯嬛福地也。割愛。割其所愛也。徐堅詩。割愛遠和親。此言所贈之書係自己所最愛者。屋漏室西南隅也。詩經。相在爾室。尙不愧於屋漏。增輝。喻藏書處生

色也。

〔謝贈畫〕

畫貽雙管銘誌五中。

贈遺曰貽。雙管畫言贈畫係名家所繪也。張璪

於畫松時能握雙管一時齊下一爲生枝一爲枯枝見圖畫見聞錄。爲文字以刻於器或以自警或稱述功德使可稱名永之不忘。皆曰銘。後人對於凡足誌不忘者因亦曰銘誌記也。五中本五藏之稱。素問篇五中所主何藏最貴。今人沿用之以爲心之稱謂。

〔謝贈筆〕

惠賜宣毫感深刻篆。

承人之餽贈曰惠。上所與我者曰賜。安徽宣城

縣所出之筆曰宣毫。薛濤筆離手詩。越管宣毫始稱情。情動於中曰感。刻篆比情感刻鏤於心而不能沒滅也。刻鏤也。篆爲書體名。有大小二種。大篆係周宣王太史史籀所作。小篆係秦丞相李斯所作。

〔謝贈茶〕

紫英分惠珠記書懷。

紫英茶名。蘇德祥杜陽雜編。上每賜同昌公主

饌。其茶則有綠花紫英之號。分惠猶言分贈也。珠記比記之而不忘也。開天遺事。張說爲相有人惠一珠紺色有光。日記事珠如或有遺忘之事持弄此珠便覺心神開悟。

書懷。書於胸襟也。懷。胸襟也。

〔謝贈酒〕

白衣遠致。彤管銘情。

白衣。喻贈酒之友也。宋書陶潛嘗九月九日無

酒。於宅邊叢菊中坐。久之。有白衣人攜酒至。乃王弘也。便與酣飲。遠致。自遠處傳到也。

彤管。赤管之筆也。詩經。貽我彤管。彤。赤色也。讀若同。銘字解見謝贈畫條。

〔謝贈裘〕

敝。憐。季子。珍。拜。吉光。

國策。蘇秦上秦王書。十上而說不行。黑貂之裘

敝。蘇秦戰國時洛陽人。季子。卽蘇秦也。敝。壞也。物之可寶可貴者曰珍。吉光。裘名。十

洲記。漢武帝天漢三年。西國王獻吉光毛裘。色黃白。蓋神馬之類。裘入水數日不沉。入

火不燥。

〔謝贈報〕

捷。看。消息。惠。錫。週。刊。

捷。極速也。消。謂減。息。謂增。時運循環。增減不息。

謂之消息。後人以消息作信息解。本此報章消息。最潛通便捷。故云。受人所賜曰惠。

錫。賜也。今謂一星期爲一週。週刊。一星期所刊刻之報也。

〔謝贈劍〕

鑄。比。干。將。使。來。關。黨。

銷金成器曰鑄。列仙傳。干將。莫邪。爲晉君作劍。

三年而成。劍有雌雄。天下名器也。

論語。關黨童子將命。注云。關黨。黨名。童子。未冠者。

之稱。將命謂傳賓主之言。使贈劍之使者也。

〔謝贈車〕 七香拜使五內思君。七香車之美者。魏武帝與楊彪書。今贈足下畫

輪四望通轆七香車二乘。拜使對來使而先拜受也。五內本爲五臟之稱。今人因以

爲心之稱。謂石崇詩哀鬱傷五內。

〔謝贈馬〕 寵賜游龍感深磨蟻。寵愛也。寵賜言愛我而賜之也。游龍比馬也。後

漢書馬太后曰。前過躍龍門上。見外家問起居者。車如流水。馬如游龍。感情動於中

也。磨蟻比心中輾轉。念所贈而不忘也。晉書天圓如張蓋。地方如棋局。天旁轉如推磨

而左行。日月右行。隨天右轉。爲蟻行磨之上。磨左旋而蟻右云。

〔謝贈花〕 園林分錦蓬華增輝。分錦花如錦。而由園林中所分出也。蓬華華

門蓬戶。貧賤者之所居。自比之詞也。增輝言自贈花以後。加增光輝也。輝光也。

〔謝贈照片〕 頒來玉照念及金蘭。上所賜曰頒。玉照稱人小像也。羣芳譜張功

甫園中植梅。築堂名曰玉照。兩字連文。本此。金蘭言交友相投合也。世說山公與嵇

阮一面契若金蘭。蓋因易經二人同心。其利斷金。同心之言。其臭如蘭。本此四句。而省

作金蘭二字也。

〔謝贈程儀〕

歸程囊罄旅邸金分

程道里也。歸程猶言歸去之路程也。

囊盛物

之具有底曰囊。罄盡也。囊罄猶言囊中金盡之意。客處曰旅邸。音底。客舍曰邸。金分即分金。鮑叔牙春秋時齊人與管仲友善。嘗與賈（音古）多分金與管仲。後人對於友人贈金錢者因沿用分金稱之。

〔謝贈路菜〕

菘韭分嘗江湖載德

春初早韭。秋末晚菘。爲蔬菜品中之味美者。

菘即俗所稱白菜也。嘗口味之也。江湖本三江五湖。今人引以爲出門者之稱。猶言身在江湖中也。舟運物曰載。載德言自贈路菜一路如載德而行也。

答謝薦舉類

〔謝薦政界事〕

自憐薄宦深感曹邱

憐惜也。薄宦猶言冷官。蔡襄詩：世事勞勞

薄宦身。感情動於中之謂。曹邱尊引薦者之稱。按曹邱複姓。以地爲氏。史記有曹邱生。楚之辯士。季布任俠。得曹邱生爲之遊揚。而名益聞。故言掄揚引薦多用其事。

〔謝薦學界事〕

謬執教鞭榮誇薦牘

謬音昧。妄也。教鞭教師訓生徒時所執以

指示者也。故稱任教師者曰執教鞭。誇大言也。薦牘。薦信也。言自誇有光榮之薦信也。

〔謝薦商界事〕 粗識經商。惠承說項。粗大略之謂。見而能辨別之曰識。經商。經營商業也。惠恩也。承受也。說項。稱道人善也。全唐詩話。項斯。字子遷。江東人。始未爲聞人。因以卷謁楊敬之。楊苦愛之。贈詩云。平生不解藏人善。到處逢人說項斯。

〔謝薦報界事〕 筆慙謬。主書感先容。今人稱報館執筆主稿者曰主筆。此言自愧妄爲主筆也。書指薦書而言。鄒陽文。蟠木根柢。輪囷離奇。而爲萬乘器者。何則。以左右先爲之容也。容。謂雕刻加飾。今稱爲人紹介揚。均曰先容。

〔謝薦會計事〕 初解乘除。謬邀推輓。初。最始也。分析事理曰解。乘除。計算中之乘法。除法。兩種也。極謙言算法之不精也。謬。妄也。邀。有叨受之意。推輓。引之使前也。前牽曰輓。後送曰推。左傳。或推之。或輓之。故稱薦引曰推輓。

〔謝薦文牘事〕 忝司筆札。愧荷吹噓。器羞愧之。主其事曰司筆札。本解作紙筆。漢書。上令尙書給筆札。今人改用爲函牘之稱。愧。羞慚也。荷。以肩承當也。吹噓。爲

人游揚也。魏書主上直信李冲吹嘘之說。

規戒類

〔戒驕〕漫誇才美。先在矜平。漫助辭。唐人每多用之。如漫向江頭把釣竿。莫漫愁沽酒之類。大言曰誇才美。謂智能技藝之美。論語。如有周公之才之美。使驕且吝。其餘不足觀也已。此言莫自誇有才也。自稱爲賢曰矜。有驕字意。矜平。言平其矜氣也。

〔戒諂〕專務諛言。易招物議。務致力也。諛音兪。諂也。言人之善而不實也。史記。先生何言之諛也。易。容易。自取曰招。物議。謂衆人所譏議也。南史。肆情誕縱。或乘露車。歷游郊野。不屑物議。

〔戒惰〕性成習慣。事懈進行。物之變其速與方向。皆必有他力以作用之。如無他力。則常保持其固有之速及方向而不變。是謂惰性。恆性亦稱習慣性。懈怠也。今人稱向前作事曰進行。

〔戒吝〕慳吝爲心。錙銖過較。慳欺堅切。平聲。吝吝。謂鄙吝也。原化記。賀知章謁賣藥老問黃白術。遺一大珠。老人以珠易餅與賀。賀私念寶珠何以易餅。老人曰。慳吝未

除術何由成爲心存心也。錙銖比輕微也。禮雖分國如錙銖。十黍爲累。十累爲銖。六銖爲錙。

〔戒信讒〕

誤聽營蠅殊嫌指鹿。營蠅比讒言也。詩經營營青蠅止于棘。此詩係戒幽王好聽讒言。故以青蠅飛聲比之。營營往來貌。今單用一營者。省文也。殊有極字。甚字之意。嫌疑也。指鹿比顛倒是非也。言誤聽讒言極可疑者。有顛倒是非之事也。史記趙高持鹿獻二世曰馬也。二世曰丞相誤耶。此卽指鹿爲馬故事。

〔戒作僞〕

握苗助長滋蔓難圖。握與挖同。拔也。禾之未秀者曰苗。長上聲。生長也。握苗助長卽作僞事也。孟子宋人有閔其苗之不長而握之者。茫茫然歸謂其人曰今日病矣。予助苗長矣。其子趨而往視之。苗則稿矣。草之滋長曰蔓。左傳無使滋蔓。蔓難圖也。此以比作僞之事。勢如草之日多。而圖改愈難也。

〔戒失約〕

屢至愆期應知爽約。屢數也。愆期失所約之時也。詩經匪我愆期。應讀平聲。當也。爽約失約也。李商隱文。文侯校獵寧爽約於虞人。

借索類

〔借軍隊〕

借重雄軍。藉防小醜。

借重王銍文。魏泰作碧雲殿。假梅聖俞毀范文。

正文正與梅公立朝。同心輔政。詎有異論。特聖俞子孫不耀。故挾之借重以欺世。雄勇

壯也。劉禹錫詩。軍聲鼓角雄。藉有所憑依也。戒備曰防。小醜。小人之類。比匪黨也。國

語。况爾小醜。

〔借警察〕

借資崗守。暫助梭巡。有所託曰資。今巡警所站處曰崗位。站處不移

動。故曰守。暫。不久也。藉彼之力以益此之力曰助。梭。織具。梭巡。邏察也。梭。所以行緯。

往復不已。故曰梭巡。言有崗守。爲梭巡者助力也。

〔借童子軍〕

髻齡武藝。足鎮圍場。

小兒垂髮爲飾曰髻。髻齡。幼年也。技術才能。

通謂之藝。言童子軍幼年習有武術也。足。可也。鎮。以力壓曰鎮。四周曰圍。聚多數人

之處曰場。言借童子軍以鎮靜全場也。

〔借音樂隊〕

雅奏聯珠。承光列席。

不俗曰雅。作樂曰奏。聯珠。言音樂如穿珠之

聯貫也。唐書。寶羣傳。羣兄常。弟庠。鞏。皆爲郎。工詞章。爲聯珠集。今人謂受惠於人

之事。皆曰承光。排比多數之次第。直者爲行。橫者爲列。列故有次序意。列席。排列在坐

也。王勃詩：列席俯春泉。

〔借店夥〕 乞分夥友。略盡賢勞。乞求也。店肆之傭雇曰夥計。亦曰夥友。略稍

也。竭力曰盡。賢勞。稱人賢而勞也。孟子：此獨非王事。我獨賢勞也。

〔借學徒〕 及門較衆。借助良殷。及門。指受業門下之弟子。謂及列於門下也。相比曰較。人三成衆。良誠也。實也。殷。猶殷勤。切也。

〔借軍隊操場〕 願藉圍場。近操軍隊。藉。憑依也。圍場。見上。借童子軍條。近。就近也。

〔借學生操場〕 參觀體育。擬借操場。今人謂視察學校工廠會場。皆曰參觀。體育。教育學名詞。所以輔助身體。或長（上聲）發達者。主要即爲體操運動。擬。謂自相揣度以相待也。

〔借賑米〕 急待發棠。借資積穀。發棠。喻放賑也。棠。齊國地名。孟子：齊饑。陳臻曰：國人皆以夫子將勸王發棠。言發棠地倉米也。資。用也。積穀。以地方公款。購存米穀。以備荒也。三國志：蓄財積穀。而有憂患之虞者。未之有也。

〔借屋〕 惠假數椽暫圖小住。惠假承惠而允假也。以短木布列於屋之上層。兩端附於梁上。以承屋瓦者曰椽。數椽屋少數也。須臾曰暫。計議曰圖。小住不久住也。

〔借花卉〕 乞分盆景借布場圍。盆瓦器也。植花者曰花盆。五石瓠。今人以盆盎間樹石爲玩。長者屈而短之。大者削而約之。或膚寸而結果實。或咫尺而蓄蟲魚。概稱盆景。

〔借傢具〕 什物無多。諸般待假。什物器具常用者之普通名詞。按之史記注。軍法五人爲伍。二伍爲什。則共器物。故曰什物。無多不多也。諸衆也。種類曰般。諸般猶言許多傢具也。

〔借用公款〕 帑項新收。商量暫假。帑音儻。金幣所藏之府也。事物之條件曰項。前清凡公款。各署均月造四柱清冊。分舊管新收。開除實在。四種。新收者。新近收入之公款也。事未行而向人諮詢以取決者曰商量。

〔借用會款〕 匯存會款。乞應急需。百川所聚曰匯。會款係由各人分繳。故曰匯存。應答也。需用也。

〔借用存款〕 彙存子母。借接青黃。彙音胃。以類相從曰彙。子母比本錢及息金也。本能生利。故稱母利。必因本而生。故曰子。今人每以青黃不接爲款項不敷之比。按夏令舊穀已絕。新秧未長。謂之青黃不接。

〔借用店款〕 滾存項下。乞貸贏餘。今人以甲月結存餘款。復以乙丙丁等月餘款。按月順次而加存者。謂之滾存項下。猶言某某條件之下也。各存款彙集一類。則曰存款項下。各出款彙集一類。則曰出款項下。大率類此。乞求也。借債曰貸。贏餘多餘也。今人謂經商所得之利曰贏餘。

〔借店夥〕 顧客蒞臨。乏人招待。今人稱買主爲顧客。蒞臨至也。乏無也。招待。司治賓客之事。言招待買主無人。則索回借夥。己意在言下矣。

〔索學徒〕 急需送貨。請飭言旋。需相待也。今店鋪送零星貨物。大半遣派學徒爲之。故云。飭音敕。命令之謂也。詩經。薄言旋歸。

〔索賑米〕 事因移粟。急待還珠。孟子。河內凶。則移其民於河東。移其粟於河內。河東凶亦然。言因有移粟之事。須索還也。今人凡還款還物。通借用還珠二字以代。

表之。韓非子。楚人有賣其珠於鄭者。爲木蘭之櫝。綴以珠玉。飭以玫瑰。輯以翡翠。鄭人買其櫝而還其珠。

〔索屋〕室。因過陋谷。望喬。陋狹小也。過甚也。劉禹錫有陋室銘。山之深穴曰谷。遷移也。喬高也。詩經。伐木丁丁。鳥鳴嚶嚶。出于幽谷。遷于喬木。原指鳥而言。後人借以爲遷屋之比。

〔索傢具〕待用孔殷。擬商歸趙。孔甚也。殷切也。擬欲也。商商量也。凡還物還款。今人多以歸趙爲替代名詞。按趙得楚和氏璧。秦願以十五城易之。藺相如請往。秦王得璧無意償城。相如詐復取璧。使從者衣褐懷璧。從徑道亡。歸璧于趙。見史記。

〔索借用公款〕因公待撥。查照歸償。因理由也。公公用也。撥發也。言因公用等發此款也。查照。公文中多用之。查明核對之意。歸償。歸還也。

〔索借用會款〕蟠桃舊款糴穀新需。蟠桃。十洲記曰。東海有山名度索山。有大桃樹。屈蟠數千里。名曰蟠桃。仙人每會集於此。後人名糾款集會爲蟠桃會。本此。入穀曰糴。猶言買穀也。新初也。需用也。言當買穀之初。欲用此款也。

〔索借用存款〕存項應需償期早屆。項字解見借用公款條。應當需用也。還款曰償。字音常。償期指所約還款之時期也。屆音戒。到也。

〔索借用店款〕店宕零星時經改歲。宕與蕩字通。俗謂懸其事而不結束者曰宕。商店諸夥友向店中暫借之款多半列入宕帳項下。零星謂不成整數也。猶言零碎經過也。改歲言改易舊歲也。詩經豳風篇曰爲改歲。

尺牘辭典補編全

中華民國十一年六月出版

世
版 專 有
不 許 翻 印
忘 恥

尺牘辭典補編全一冊

定價 大洋 陸角

著 者

吳東園
朱詩隱
陳秋水

李貫少
李定夷
陳逸民

校 訂 者

吳興永
福村農

發 行 者

國華書局

印 刷 者

國華書局

分 售 者

各大書局

總發行所

上海
四馬路

國華書局

